


東坡全集

内制集


五之三十一
標語止



内閣文庫			
三五函	二八冊	五四五六號	漢書類

内閣文庫			
番號	漢	5456	
冊數	28 (19)		
函號	315	84	

内制集



東坡內制集卷第五

神宗皇帝御容進發前一日奏告諸宮觀寺處

青禧元祐二年九月二十五日

嵩洛之間山隄所在嚴道釋之淨宇奉衣冠之別祠
恭擇良辰啓行仙馭敢徵福於群聖庶流祉於含生
仰叩真靈異垂昭監

神宗皇帝御容進發前一日奏告天地社稷宗

廟等處祝文

祇畏天明率循祖武進衣冠之原廟鎮崧洛之靈祠
恭擇良辰啓行仙馭分遣執事並告有神

賜涇原路經略使并應守城禦賊漢蕃使臣已

下銀合茶藥兼傳旨無問口宣元祐二年九月五日

有敕戎虜逆天無故犯順忠義所激戰守有方持魚

相望示以形勢大羊自遁亭候無虞愛念勤勞不忘

嘉歎

賜太師文彥博生日詔元祐二年九月二十九日

敕彥博陽月載臨剛辰協吉篤生元老弼亮四朝久

為廊廟之華豈獨園門之慶往應月寵敬永錫壽祺

賜大遼加正旦人使白溝驛御筵并撫問口宣

元祐二年九月七日

有敕卿等遠馳華節冒履薄寒眷言郵傳之勤少樂

燕嘉之賜往申寵問式示眷存

賜資政殿學士太中大夫新知成都府王安禮

乞知陳頴等一郡不允詔元祐二年十月一日

敕安禮朕惟西蜀地狹而賦重人懦而吏肆徭役新

定農民在官馭之無方將不勝弊惟朕左右信臣明

而不苛寬而有斷必能肅遏慢吏扶養小弱知雖微

疾強為朕行時近藥石勉事道路稱朕意焉

皇帝達

太皇太后賀大遼皇帝生辰書元祐二年

寒律既周誕辰載紀恭被 慈闈之誨俾脩慶幣之
儀永介壽康式符頌禱更新祈調衛以副願言

皇帝賀大遼皇帝生辰書

元祐二年

大呂還宮攝提正丑載協誕彌之慶永膺壽考之祥
臨遣使輶往陳信幣其爲欣禱莫盡名言

泇路賜奉安

神宗御容禮儀使呂大防銀合茶藥詔

元祐二年十月七日

敷大防於赫 神考如日在天雖光明無所不臨而
躔次必有所舍肆予命爾祗奉此行禮既告成勤亦
良至感慕之外嘉歎不忘

泇路賜奉安

神宗御容押班馮宗道并內臣等銀合茶藥敕

書

元祐二年十月七日

敕馮宗道逮事有年追遠不懈屬祠宮之告具驂日
馭以端征往復之間忠勞亦至特加存問尚體至懷
泇路賜奉安

神宗御容禮儀使呂大防押班馮宗道并使臣

已下銀合茶藥兼傳宣撫問口宣

元祐二年十月七日

有勅 卿祗率宮常往嚴像設屬此寒凝之候眷言往
返之勞式示寵綏特加優錫

太皇太后 皇太后 皇太妃受冊禮畢奏謝
天地社稷宗廟諸宮觀并諸陵青詞齋祝文概

二年九月二十七日

至哉坤元政必先於治內養以天下孝莫大於尊親
昔首正於號名今復嚴於典冊禮樂既具神人允諧
分命諸陵政分命爾臣字作分命有司恭致成事仰祈昭鑒永
錫鴻休無任懇倒之至

太皇太后 皇太后 皇太妃受冊禮畢祭諸

神廟祝文 元祐二年九月二十七日

至哉坤元政必先於治內養以天下孝莫大於尊親

昔首正於號名今復嚴於典冊禮樂既具神人允諧
分命有司往告成事庶祈靈祐永保鴻休

隆祐宮設慶宮醮青詞

伏以長樂告成光動紫宮之象清都下照誠通絳闕
之優祗率多儀肅陳菲薦永惟慈孝之本克享天人
之心介萬壽之無疆錫五福之純備無任懇禱之至

賜太師文孝博生日禮物口宣 元祐二年十月五日

有敕卿勲在廟社名聞華夷允儲河嶽之靈宜享喬
松之壽往頒寵數以慶佳辰

賜南平王李乾德曆日敕書 元祐元年十月八日

款乾德眷彼海隅被予聲教宜有王正之賜以爲農
事之祥動卹遠民以問嗣歲

永裕陵十二月旦表本

伏以商正紀曆大呂旋宮論時令以待來歲之宜獻
民力以共宗廟之祀恭惟 謚號皇帝至仁無外全
德難名文物聲明但觀乘時之迹昆蟲草木孰知成
歲之功急景易遷永懷何極

皇帝達

太皇太后賀大遼皇帝正旦書

元祐二年

歲聿肇新鄰歡載講恭被 慈闈之誨遠通慶幣

之誠益冀保頤永綏壽嘏

皇帝賀大遼皇帝正旦書

三陽朋來慶二儀之交泰 兩朝繼好納萬民於昇

昌申勅使車肅將禮幣願符善禱永介純釐

冬季傳宣撫問諸路沿邊臣寮口宣

元祐二年十一月十八日

有敕卿等守禦邊疆憂勞夙夜屬茲寒沍想各康強
特示眷存往申勞問

賜新除龍圖閣直學士依前中散大夫陳安石

辭免恩命不允詔

元祐二年十一月十八日

敕安石士出身從仕少壯陳力耆老守節朕必有以

寵綏之卿逮事四朝啟歷中外號稱良能不見過失
書閣之拜衆以為宜無復固辭以遂成命

賜資政殿學士太中大夫新差知成都府王安

禮銀合茶藥詔

元祐二年十月八日

敕安禮朕求治如不及用人惟恐失之矧余良臣惟
自神考出入中外履聲藹然朕豈欲其遠去哉特以
全蜀之寄甚難其選知卿篤於忠義當不以遠近為
意也勉事道路慎疾自愛住安吾民以稱朕意

撫問知河南府張球知永興軍韓頌口宣

元祐二年十月十日

有敕卿輟自廟堂出為師帥勞於綏御寬我顧憂
此寒凝勉加頤養

冬季撫問陝西轉運使副口宣

元祐二年十月十八日

有敕卿等歲事將畢農工既休永言乘傳之勞未遑
退食之佚勉加輔養尚副眷懷

賜資政殿學士新差知成都府王安禮詔書銀

合茶藥傳宣撫問口宣

元祐二年十月二十七日

有敕卿西南之寄古今所難善習祖宗以來或輟
鈞衡之舊與衆同樂非卿孰宜

賜皇弟鎮寧軍節度使開府儀同三司遂寧郡

王侁生日禮物口宣

元祐二年十月一日

有敕乃眷賢王惟予介弟篤生茲日流慶方來往致
子言以為爾壽

趙州賜大遼賀興龍節使副茶藥口宣

元祐二年十月一日

有敕卿等又勲輶傳遠涉風埃既漸通於中邦方少
安於候館往頒珍劑以示眷懷

雄州撫問大遼賀興龍節使副口宣

元祐二年十月十七日

有敕卿等恭修鄰好遠慶誕辰眷惟授館之初益喜
造朝之近往申問勞式示眷存

雄州撫問大遼賀正旦使副口宣

元祐二年十月十八日

有敕卿等遠會春朝篤修鄰好言念乘輶之久欣聞
入境之初式示眷存往申問勞

元祐三年春貼子詞

皇帝閣六首

其一 五言

藹藹龍旂色琅琅木鐸音數行寬大詔四海發生心

其二

賜谷賓初日清臺告協風願如風有信長與日俱中

其三

草木漸知春萌芽處處新從今八千歲合抱是靈椿

其四

七言

聖主憂民未解顏
天教瑞雪報豐年
蒼龍掛闕農祥
正父老相呼看藉田

其五

昨夜東風入律新
玉闕知有受降人
聖恩與解河湟
凍得共中原草木春

其六

翰林職在明光裏
行樂詩成拜舞中
不待驚開小桃
杏始知天子是天公

太皇太后閣六首

其一

五言

瓊刻春何力
欣榮物自知
發生雖有象
覆載本無私

其二

小殿黃金榜
朱簾白玉鈞
一聲雙日蹕
春色滿皇州

其三

仗下春朝散
宮中晝漏稀
兩廂休侍衛
應下讀書幃

其四

七言

五日占雲十日風
憂勤終歲為三農
春來有喜何人
見好學神孫類祖宗

其五

共道十年無臘雪且欣三白壓春田盡驅南畝扶犁
手稍發中都朽貫錢

其六

不獨清心能省事應緣克己自消兵傳聞塞外千君
長欲趁新年賀太平

皇太后閣六首

其一 五言

寶冊瓊瑤重新庭松桂香雪消春未動碧瓦麗朝陽

其二

瑞日明天仗仙雲擁壽山倚欄春晝永金母在人間

其三

朝罷金鋪掩人闕寶瑟塵欲知慈儉德書史樂青春

其四

七言

仙家日月本長閑送臘迎春豈不然翠管銀鑿是傳故
事金花絲勝作新年

其五

彤史年來不絕書三朝德化婦承姑宮中侍文咸
珠翠雪裏貧民得袴襦

其六

邊庭無事羽書稀閑遣詞臣進小詩共助至尊歌喜

事今年春日得春衣

皇太妃閣五首

其一 五言

葦排猶在戶，椒栢已稱觴。歲美風先應，朝回日漸長。

其二

甲觀開千柱，飛樓擢九層。雪殘烏鵲喜，翔舞下瓠陵。

其三 七言

孝心日奉東朝養，儉德應師大練風。太史新年瞻瑞

氣，四星明潤紫宮中。

其四

九門挂月未催班，清禁風和玉漏閑。崇慶早朝銀燭

下，珮環聲在五雲間。

其五

東風弱柳萬絲垂，的皪殘梅尚一枝。蠶館乍欣蟻浴

後，楫壇猶記燕來時。

夫人閣四首 其一 五言

綠勝縷新語，酥槃滴小詩。昇平多樂事，應許外庭知。

其二

細雨曉風柔，春聲入御溝。已漂新若沒，猶帶斷冰流。

其三 七言

扶桑初日映簾屏已覺銅餅暖不冰七種共挑入日
兼千枝先剪上元燈

其四

雪消筠瓦已流澌風暖屏盤尚鎮帷縹眇紫簫明月
下壁門桂影夜參差

皇帝回大遼皇帝賀興隆節書 元祐二年

誕日臨鄰懽歲講封疆雖遠晷刻不踰惟信睦之
交修識情文之兩至益深雅好良極欣悰

皇帝送

太皇太后回太遼皇帝問候書 元祐二年

嘉平紀月震夙惟時屬茲慶使之來重以 慈闈之
問尋因省侍悉致誠言欣感之深敷陳罔究

賜宰相呂公著生日詔 元祐二年十月十八日

敕公著姆三世將相 四朝耆老賚我良弼實惟茲
辰茂膺維獄之靈永錫如陵之壽就頒寵數以示眷
懷

賜宰相呂公著生日禮物口宣 元祐二年十月十八日

有敕卿仁以庇民忠以衛上誕彌之日慶慰良深往
錫寵章以介眉壽

冬季撫問諸路沿邊臣寮口宣元祐二年十月十八日
有敕卿等分憂之外並塞早寒眷此勤勞形於軫念
往加勞問式示眷存

賜于闐國進奉人進發前一日御筵口宣元祐二年十月九日

有敕汝等奉琛來覲已事言歸式嘉慕義之誠宜
有勞還之澤往頒燕衍祇服恩私

賜外任臣寮曆日敕詔書元祐二年十月四日

敕韓績朕肇修人紀祇畏天明欽若舊章式頒新曆
凡我承流之寄共成平秩之功

班荆館賜七遼賀正旦人使到闕御筵口宣元祐二年十月四日

有敕卿等夙抗休旌少休郊館乃眷川途之邈載惟
驂馭之勞特賜以燕私以旌勤瘁

班荆館賜六遼賀興龍節人使酒果口宣元祐二年九月九日

有敕卿等遠乘使傳方造都門屬此寒凝久於衝涉
宜加就賜之禮以示勞來之恩

班荆館賜六遼賀興龍節人使御筵口宣元祐二年十一月十一日

十一月十一日

有敕卿等遠犯苦寒來修舊好載喜使華之近特申
郊勞之儀服我恩私少留燕衍

賜五臺山十寺僧正省奇等進奉與龍節功

德疏等獎諭敕書元祐二年十一月一日

敕省奇等清涼之域僊聖所游爰因彌月之辰來獻
後天之祝永言勤懇至良極歎咨

相州賜大遼賀正旦人使御筵口宣元祐二年十一月十一日

有敕卿等篤修舊好少憇近邦屬冰雪之嚴凝念卓
徒之勤勩往加燕勞式示眷懷

賜諸路臣寮春季銀鞋兼撫問口宣元祐二年十一月八日

有敕卿等各竭乃心久勞于外屬此寒凝之候永惟
綏馭之勤式示眷存往加勞問

撫問知大名府馮京口宣

有敕卿以元老卧護北門寬我顧憂想勞綏御屬
茲寒沍益務保頌

賜大遼賀與龍節使副鈔鑼等口宣元祐二年十一月十八日

有敕卿等解驂授館方講於邳歡遣使勞來宜敦於
主禮往加優錫以示眷懷

賜大遼賀與龍節人使雄州回程御筵口宣元祐二年十一月十八日

二年十月二十八日

有敕卿等聘事既成歸途尚邈屬此冰霜之候眷言來往之勤宜錫燕私少紓行役

賜外任臣寮進奉興龍節馬敕書元祐二年十月二十四日

敕劉永年汝職在蕃宣義均休戚旅庭稱慶因物見誠乃眷忠勤不忘嘉歎

賜知樞密院事安燾已下罷散興龍節道場香

酒果口宣元祐二年十一月一日

有敕彌月之祥敷天同慶眷朕肱之畢力延釋梵以祈年申以寵頒助其愷樂

賜步軍副都指揮使苗授已下罷散興龍節道

場香酒果口宣元祐二年十一月一日

有敕卿等志在愛君忠於衛上屬誕彌之紀慶修淨供以祈年宜有寵頒以旌勲意

賜大師文若博已下罷散興龍節酒果口宣元祐二年十一月二日

有敕卿等以弼量之重散勞王家因誕慶之辰修崇法會宜頒芳旨以示眷存

賜大遼賀興龍節前一日內中酒果口宣元祐二年十一月二日

有敕卿等抗旌就館已觀車騎之華奉幣造朝復歎威儀之美就加寵錫以示眷懃

賜大遼賀興龍節十日內中酒果口宣元祐二年十二
有敕卿等奉幣講歡造廷稱壽嘉禮儀之閑習宜
寵錫之便蕃受此珍甘以旌眷遇

賜大遼賀興龍節朝辭訖歸驛御筵口宣元祐二年十二
有敕卿等使事既終陛辭而後少休賓館將整歸
驂特示至懷更頒嘉燕

賜大遼賀興龍節瀛洲回程御筵口宣元祐二年十
有敕卿等已修舊好復改北轅雖使館之少休眷歸途
之尚邈往頒燕俎以示至懷

賜新除寶文閣直學士李之純辭恩命不允詔元祐二年十

教之純祖宗之文章與典謨訓誥並寶於世與領其
事必有德君子雖積勞又次不以輕授蜀遠而人懦
窮困抑塞至無所訴朕專欲以德安之故內閣之命
非獨以寵卿抑將使蜀人知朕用卿蓋以德選也其
深識此意勿復固辭

賜大遼賀興龍節人使朝辭歸驛酒果口宣元祐

二年十一月
有敕卿等已事言旋指期夙駕歲寒遠道良用軫
懷宜有寵頒以旌勤奉

賜皇伯祖宗暉已下罷散興龍節道場香酒果

口宣 元祐二年十一月五日

有敕卿等以義重宗藩志存忠愛先期誕月歸命佛乘道茲法會之成宜有分頒之寵

賜大遼賀興龍節人使射弓例物口宣 元祐二年十一月十日
有敕卿等懷四方之志挾五善之能終日射侯於是觀禮宣中寵錫以法實歡

東坡內制集卷第五

東坡內制集卷第六

賜大遼賀興龍節人使班荆館却回酒果口宣

元祐二年十一月十日

有敕卿等聘事已成征驂言邁往餞於館以華其歸仍有寵頒式昭厚眷

永定院修蓋舍屋奏告 諸帝后祝文

具嚴淨宇祇奉寢園眷惟焚燎之餘少緩增修之役仰祈昭鑒永底燕寧

永定院修蓋舍屋奏告土地祝文 元祐二年十一月十日

伏以向因遺燼延及淨祠爰擇良辰以興衆役宜

茲遣使詔示有神

賜于闐國黑汗王進奉

登位敕書

元祐二年十一月十一日

敕卿守藩西域慕義中華

聞踐阼之新來致梯山之貢眷言忠恪良用歎咨

賜于闐國黑汗王進奉示諭敕書

元祐二年十一月十一日

勅卿遠馳信便來放貢琛載詳重譯之言深亮勤王之意益隆褒賜以答忠誠

賜諸路臣寮中冬衣襖口宣

元祐二年十一月十一日

有敕霜露荐至衣褐未周念我遠臣何以卒歲往均安燠之賜尚體眷懷之深

賜外任臣寮進賀

太皇太后受冊馬詔敕

元祐二年十一月十六日

敕曾布禮以正名國之舊典載闕充庭之實武將戴后之心朕眷忠勤良深嘉歎

賜外任臣寮進奉賀

皇太后 皇太妃受冊馬詔敕

元祐二年十一月二十七日

敕曾布典冊告成宮闈之慶事君盡禮因物見誠乃眷忠勤不忘嘉歎

賜保寧軍節度使知大名府馮京進奉賀端午節馬詔

元祐二年十一月二十六日

賜保寧軍節度使知大名府馮京進奉賀端午節馬詔

元祐二年十一月二十六日

敕馮京受鉞將壇剖符畿甸效充庭之駿足慶冲火之良辰乃眷勤誠不忘嘉歎

賜資政殿學士知鄧州韓維進奉謝恩馬詔元祐二年十一月二十六日

敕韓維廟堂均逸遠不忘君駟駿在庭儀名於物載惟忠盡良極歎咨

賜檢校司空左武衛上將軍郭遠進奉謝恩馬詔元祐二年十一月二十六日

敕郭遠惟卿耆老漸就退閑不忘戴主之誠遠效充庭之駿載嘉忠盡良極歎咨

賜溪洞彭儒武等進奉興龍節酒布敕書元祐二年十一月二十八日

敕彭儒武汝世能保境志在觀光遠修仁土之宜來備充庭之實載惟忠恪良極歎嘉

接伴大遼賀興龍節人使送伴回程與大遼賀

正旦人使相逢撫問口宣元祐二年十一月十七日

有敕卿等並駕使輶遠敦隣好屬風霜之表列歷川陸之阻脩宜示眷懷特申問勞

趙州賜大遼賀

太皇太后正旦大使茶詔元祐二年十一月十七日

敕卿久勤輶傳遠犯風埃春言行邁之勞良極軫懷
之意往頒珍劑以輔至和

趙州賜大遼賀

太皇太后正旦副使茶藥詔元祐二年十月十七日

敕卿遠乘使傳來請鄰惟屬此泫寒尚愒行役往
加問勞式示眷懷

趙州賜大遼賀

皇帝正旦大使茶藥詔元祐二年十月十七日

敕卿遠慶春朝篤修鄰好永惟使事之重遠忘行
役之勞既極款嘉宜申問勞

趙州賜大遼賀

皇帝正旦副使元祐二年十月十七日

敕徂歲向晚脩途苦不樂詔方趨元祐二年十月十七日追於會朝未即安於舍
館往加恩錫增重德辛

趙州賜大遼賀

太皇太后正旦使副茶藥口宣元祐二年十月十七日

有敕卿等遠馳使傳方次州封念此寒凝報於涉履
特申寵錫以示眷存

趙州賜大遼賀

皇帝正旦使副茶藥口宣元祐二年十月十七日

有敕卿等遠修聘事來會歲元眷言夙駕之勤宜有
中途之賜受茲珍品喻我至懷

相州賜大遼賀興龍節使副御筵元祐二年二月一日
有敕卿等犯寒遠道弭節近邦少休夙駕之勞式示
加遷之惠服我寵數以增使華

相州賜大遼賀興龍節使副却回御筵元祐二年二月一日

有敕卿等聘事告成還卓言邁改轅北道弭節近邦
眷言行役之勞宜有燕私之寵

賜皇伯祖高密郡王宗晟已下罷散興龍節

道場香酒果口宣元祐二年二月一日

有敕卿等以垂重宗駙馬改志存忠愛先期誕月
歸命佛乘速茲法會之成宜有分頒之寵

賜太樞密院事安燾已下罷散興龍節道場酒

果口宣元祐二年二月一日

有敕誕彌之慶繇宇所同矧我臣工方茲燕喜宜有
柔嘉之賜以成豈弟之馨

賜齊陽郡王曹佺罷散興龍節道場酒果口宣

元祐二年二月一日

有敕卿等重履藩望隆耆德歸誠實死增祝壽山宜

有寵頒以昭厚眷

賜殿前都指揮使燕達巴下罷散與龍節道場香

酒果口宣元祐二年

有教婦等志在愛君忠於衛上屬誕彌之紀慶脩淨
供以祈年宜有頌寵以旌勤意

內中御侍以下賀

皇帝又至詞語元祐二年十一月十日

伏以月臨天統首冠於三正氣應黃宮漫采於七日

君道長陽德元亨恭惟皇帝陛下清明在躬仁

孝遍物無衣南面天何言而四時成問學西清日浴

且而群陰伏裔美奔走年穀順成豈惟四海之歡心

自識三靈之陰贊如川方至受命無疆妾等特罪掖

庭備負婦媿共慶一陽之節敢陳萬歲之觴

內中御侍以下賀

太皇太后冬至詞語

伏以消長有時候微陽之來復賢愚同慶知君子之

彙征德化所加神人並應恭惟

太皇太后陛下睿明天縱慈儉身先振河嶽以不頽

地無私載順陰陽而自化天且不違成功已陋於漢

唐論德蓋高於任如大有上吉方獲助於三靈既醉

太平富純備於五福妾等職參長御心奉
慈闈慶陽德之用來頓天壽之平格

內中御侍以下賀

皇太后冬至詞語

伏以家豐奏功驗人和於緹室百官占物效歲美於
黃雲慶自宮庭澤均海宇恭惟

皇太后殿下 朝佐內治儀刑王家推美國風夙茂周
南之化考祥義易共成坤厚之功方迎日於三微敢
稱編於萬壽宜獨宮闈之願實同中外之權妾等猥
以微軀被蒙

慈渥仰獻岡陵之祝庶殫草木之誠

就驛賜大遼賀興龍節人使宴口宣元祐二年二月十一日

有敕佳辰紀慶聘事告成申勅臣隣往就舍館同茲
衍樂服我慈慈

就驛賜大遼賀興龍節人使宴花酒果口宣元祐二年十一月十一日

元祐二年十一月十一日

有敕卿等遠勤使傳來慶誕辰臨遣重臣往頒燕俎
仍加寵錫以示至懷

賜大遼賀正旦使副銀鈔錦綉等口宣元祐二年十一月十一日

元祐二年十一月十一日

有敕卿等通兩國之權不遠千里驅一乘之傳來慶
三朝宜有寵頒以昭異眷

相州賜大遼賀正旦人使却回御筵口宣元祐二年

十二月十四日

有敕卿等復理歸鞍少休輔郡念北轅之首路犯西
陸之餘寒往致恩勤曾留燕衍

賜大遼賀正旦人使却回雄州御筵口宣元祐二年

十二月十四日

有敕卿等遠勤郵傳冒涉冰霜眷言往復之勞已次
封圻之上宜頒嘉燕以示至懷

賜大遼正旦人使生餼口宣元祐二年十一月二十四日

有敕卿等郵傳遠勤舍館既定宜敷主禮以犒馭徒
往錫餼牽少紓勞瘁

賜太師文彥博乞致仕不許詔元祐二年十一月二十五日

敕彥博卿自去歲以來數苦小疾尚能勉留以輔不
逮近者神明所相體力自康視聽不衰步趨加健乃
欲求去耶今御戎之策未有定議京東西河朔存饑
公私惴然方與二三臣圖之卿未可以即安也

賜文彥博乞致仕不允詔元祐二年十一月二十五日

敕彥博卿歷相三宗名聞四夷位極一品書考四十

自載籍以來未之聞也固當以國為家以天下為身以安社稷為悅而不當以居丘園為樂也朕方待卿而為政請老之言所未欲聞

送伴正旦使副沿路與賀北朝生辰并正旦使

副相逢傳宣撫問口宣元祐二年十一月二十五日

有敕卿等銜命出使徂冬涉春適寒苦之倍常知勤勞之加舊勉驅郵傳來造會朝

賜大遼賀正旦入賀畢使副就驛酒果口宣元祐二年十一月二十六日

有敕卿等既勤闕庭少安館舍宜行度賜以樂春朝

往致甘芳式華觴豆

賜大遼賀正旦入賀畢使副就驛御筵口宣元祐二年十一月二十六日

元祐二年十一月二十六日

有敕卿等遠抗使旂來陳慶幣春東風之協應嘉上日之同歡宜就驛亭往頒燕豆

賜大遼賀正旦使副前一日內中酒果口宣元祐二年十一月二十七日

元祐二年十一月二十七日

有敕方興嗣歲既饒餘寒嘉鄰好之篤修念使華之少駐式頒珍異以示眷懷

賜大遼賀正旦却回班荆館御筵口宣元祐二年十一月二十二日

月二十七日

有敕卿等聘事既成歸途方啓言念改轅之始少留
帳飲之歡往推恩勲下及徒馭

賜大遼賀正旦朝辭訖歸驛御筵口宣元祐二年二月二十七日

月二十七日

有敕卿等寓館又勤廷告去不假壺觴之樂曷為
徒馭之華服我恩私少留宴衍

賜大遼賀正旦朝辭訖歸驛御筵酒果口宣元祐二年二月二十七日

二月二十七日

有敕卿等聘事告成歸車夙匡屬比寒凝之末春言

往返之勤錫此珍芳以將寵遇

賜大遼賀正旦使副春階勝口宣元祐二年二月二十九日

有敕剪刻之工風俗惟舊眷皇華之在館屬春陽之
肇新宜有分頒以增賁飾

賜大遼賀正旦使副射弓例物口宣元祐二年二月二十九日

有敕卿等出遊禁籞觀藝射侯弓矢既均禮儀卒度
宜加寵賜以侑燕歡

皇帝回大遼皇帝賀正旦書元祐三年

獻歲發春方祝永年之慶睦隣敦好益修共世之歡
信幣精華書詞溫綉再維雅契良極欣悰

皇帝達

太皇太后迴大遼皇帝賀正旦書 元祐三年

正歲履端遠勤於華使慈闈申慶重領於珍函省侍之餘誠言已達永惟欣感莫究言宜

永安永昌永熙永裕陵忌辰奏告

宣祖 太祖 太宗 神宗皇帝表本 元祐三年十一月十一日

月二十七日

伏以卜年之永恩洽於華夷諱日之臨感深於臣子恭惟 謚號皇帝文武經世威靈在天每更一不樂之辰尚有遺弓之慕山陵永望雨露增懷

永安永昌永熙陵忌辰奏告

昭憲 孝惠 孝明 孝章 淑德 懿德

明德 元德 章懷 章稷 章懿 章惠

章馥明肅皇后表本 元祐二年十一月十七日

焜雨周南之化刑恭儉於多方渭北之游極望思於原廟恭惟 謚號皇后道應圖史德參聖神顧明發之永懷仰徽音之如在載瞻罔獲想見衣冠

皇太后殿內人爲

神宗皇帝忌辰朝永裕陵表本 元祐二年十一月十七日
伏以百年之畏化被於無疆終身之憂感深於不樂

恭惟 謚號皇帝德齊堯禹功陋漢唐道蓋始於正
家謀方貽於燕翼道攀周極慨慕徒深

西京奉安

神宗皇帝御容禮畢西京德音元祐二年十月十四日

門下朕以寡昧仰繼 聖神顧瞻山陵未忘弓劍之
慕益廣宗廟以奉衣冠之游祇遣輔臣往嚴像設敬
鳳臺之仙宇祭龜洛之仁祠睟表一臨陪京增重山
川改色方貢祥而效祚父老縱觀或大息而流涕宜
施雷雨之澤以答神人之心於戲好生育物旣推
父母之慈宗德措刑終成 神考之志資爾有衆宜

體朕懷

賜中大夫守尚書右丞王存生日詔元祐三年正月四日

敕王存卿以宏才與聞大政誕日之慶豈惟閨庭寵
錫之隆庶延壽嘏

瀛洲賜大遼賀正旦人使回程御筵口宣元祐三年正月五日

有敕卿等來修舊好遠冒初寒涉歷冬春服勤郵傳
式頒嘉燕以答久勞

賜試戶部侍郎趙瞻陳乞便郡不允詔元祐三年正月十三日

十三日

敕趙瞻朕哀願者舊取其宿望養育爰又待其成材庶前後相繼朝不之入則堂陛自隆國有所恃古今在廷之士孰非華髮之良而卿以康強之年為遠引之計於義未可蓋難曲從

賜保州團練使潞州總管王實進奉龜關并到

任馬牧書元祐三年正月七日

敕王實汝以選檢出分憂寄來放充庭之駿以將屬上之誠再省忠勤良深嘉歎

賜符寧軍節度使知大名府馮京進奉興龍節

并冬至正旦馬詔元祐三年二月二十五日

敕馮京震夙之祥旅庭稱慶歲時之會因物效誠乃眷元臣實勤典禮多儀克舉屢安歎不忘

賜外任臣寮進奉謝恩馬詔敕元祐三年二月二十六日

敕銜思思報因物致誠效茲乘服之良示有驅馳之志永言忠盡良極歎咨

賜外任臣寮進奉興龍節功德疏詔敕元祐三年二月二十六日

敕誕彌之慶中外所同畢翰衛上之誠來獻後天之祝永言忠盡良極歎嘉

賜宰相公著上第一表乞致仕不允批荅概

覽表其之難進易退固君子之常節又勞思逸亦老
者之至情然心存社稷則常節為輕身繫安危則至
情可奪惟卿體國豈待多言苟大義之未安雖百請
而何益宜安厥位勿復此心

賜宰相呂公著上第二表乞致仕不允斷來章

批荅 元祐三年三月二十九日

覽表具之宰相不自用人主不自為予欲識人物之
忠邪故以卿為水鏡子欲知利害之輕重故以卿為
權衡苟明此心雖老猶壯與其輕去軒冕獨善其身
孰若優游廟堂兼享其樂益敦此義勿復有云

賜宰相呂公著乞致仕不允斷來章批荅口宣
元祐三年四月一日

有敕卿望重播紳義均休戚如左右手可須更離雖
屢形於懇詞必難移於朕意

除呂公著特授守司空同平章軍國事加食邑

實封餘如故制 元祐三年四月四日

門下仁莫大於求舊智莫良於用衆既得天下之大
老彼將安歸以至國人皆曰賢夫然後用今朕一舉
仁智在焉宜告治朝以孚大號金紫光祿大夫守尚
書右僕射兼中書侍郎上柱國東平郡開國公食邑

七千一百戶食實封二千二百戶公著許謨經遠
精識造微非堯舜不談皆聞其語以社稷為悅今先
其心三年有成百揆時叙維乃烈考相于昭陵蓋
清淨以寧民亦勞謙而得士凡我儀刑之老多其賓
客之餘在武丁時雖莫望於前列作召公考固無易
於象賢而乃屢貢封章力求退避朕重失此三益之
友而閔勞以萬幾之煩是用遷平王之司釋文昌之任
毋廢議論時遊廟堂於戲大事雖咨於房喬非如
時莫能果斷垂德無逾於郭公而裴度亦寄安危
固得斯人守垂唐世可特授司空同平章軍國事

加食邑七百戶食實封三百戶餘如故仍一月三赴
經筵二日一入朝因至都堂議軍國事

除呂大防特授太中大夫守尚書左僕射兼門

下侍郎加上柱國食邑實封餘如故元祐二年四月四日

門下朕聞天子有道其德不可得而名輔相有德其
才不可得而見故漢之文章紀無可書之事唐之房
杜傳無可載之勳當時安樂後世稱頌予欲清心而
省事不求智名與勇功天雖顯思將啓承平之運民
亦勞止願聞休息之期眷予元臣咸有一德咨爾百
辟明聽朕言中大夫守中書侍郎上柱國及郡開國公

食邑二千二百戶。食實封三百戶。賜紫金魚袋。若大
造道深。受才宏毅。果藝以達。有孔門三子之風。直
大而方。得坤文六二之動。久踐左闈。蔚為名臣。宜并左
輔之崇。兼綜東臺之務。加賦進秩。寵數益隆。得位興
時。憂責彌重。於戲。若古有訓。無競維人。崔公建中之
風。以除吏八百。而致裴均元和之政。以薦士三十。而
能惟公乃心。何遠之有。可特授太中大夫。守尚書左
僕射。兼門下侍郎。加上柱國。食邑七百戶。食實封三百
戶。

除范純仁特授太中大夫守尚書右僕射兼中

書侍郎進封高平郡開國侯加食邑實封餘如

故制元祐三年

門下朕惟朝廷之盛衰常以輔相為輕重若根本彊
固則精神所衝故為臣奉已而不在民則晉文無
復憂色汲長孺直諫而守死節則淮南為之寢謀朕
思得其人付之以政使天下聞風而心服則人主無
為而日尊若爾在廷咸聽朕命中大夫同知樞密院
事上柱國高平縣開國伯食邑九百戶食實封二百
戶賜紫金魚袋范純仁器遠任重才周識明進如孟
子之敬王退若蕭生之憂國朕覽觀仁祖之遺迹

永懷慶曆之元臣強諫不忘喜滅孫之有後我心是以命召虎以來宣雖兵政之與聞疑遠猷之未究坐論西省進貳文昌增秩益封兼隆異數於盛時難得而易失民難安而易危子欲守在四夷以汝為偃兵之姚宋子欲藏於百姓以汝為思民之蕭曹也思古人以稱朕意可特授大中大夫守尚書右僕射兼中書侍郎進封高平郡開國公加食邑七百戶實封三百戶勳如故

東坡內制集卷第六

東坡內制集卷第七

賜新除守司空同平章軍國事呂公著辭免恩

命不允詔

元祐三年四月六日

敕公著委重元老朕之本心歸安丘園卿之素志今於二者酌處其中使卿獲居勞逸之間而朕不失仰成之託於義兩得夫復何辭

賜新除太中大夫守尚書左僕射兼門下侍郎

呂大防辭免恩命不允詔

元祐三年四月六日

敕大防端揆黃門之任虛之久矣以卿德望兼重才術有餘故授之不疑渙號已行僉言惟允務稱

朕命何以詞為

賜新除太中大夫守尚書右僕射兼中書侍郎

范純仁辭免恩命不允詔

元祐三年四月六日

敕純仁國之安危寄於宰輔朕豈苟然而輕授也哉試之以事而不移斷之於心而不貳成命已出豈容復回往修厥官以稱朕意

賜知乾寧軍內殿承制張赴獎諭敕書

元祐三年四月十八日

敕張赴橫流之災所在蒙害惟吏得其人則公私賴之使者列上有司不以時聞歲月既遠予猶汝嘉故茲獎諭想宜知悉

宣詔許內翰入院口宣

元祐三年四月十九日

有敕鄉拔自循良老於文學禁林之命儒者所榮往祇厥司以究所蘊

賜觀文殿大學士光祿大夫知永興軍韓績三

上表乞致仕不許斷來章詔

元祐三年四月七日

敕韓績夫任天下之責者無自營之私蒙國士之知者有非常之報矧卿德望兼重體力猶強方資禦侮之壯猷焉用引年之常禮宜安厥位毋復言歸

賜觀文殿大學士光祿大夫知永興軍韓績三

上表陳乞致仕不允元祐三年四月七日斷來章詔元祐三年四月七日救韓縝朕體貌諸老儀刑四方假以方面之安略其筋力之禮如卿屢請固無懷祿之嫌而朕固留宜有忘歸之意今中外無事民物小康顧恐安車之榮未逾坐嚙之樂朕命不易卿其少安

賜新除太中大夫守尚書右僕射兼中書侍郎范純仁再上劄子辭免恩命不允元祐三年四月七日救純仁卿奉事先帝蓋深受君與政西樞論不阿世昔聞汲黯之不奪今見徐公之有常參以衆言蔽自朕志右宰之任非卿而誰屢執謙詞殊非所望

賜新除依前中大夫守中書侍郎劉摯辭免恩命不允元祐三年四月七日救摯摯朝廷設三省建丞弼雖所治不同至於因時立政昭德塞違其實一也卿既任其事矣今以次遷無是詞者

賜新除依前中大夫守尚書左丞王存辭免恩命不允元祐三年四月七日救王存卿學足以經邦才足以應務更練愈久開益居多以積日而稍遷顧會言之咸允國之常典何以詞臣

賜新除中大夫守尚書右丞胡宗愈辭免恩命不允詔元祐三年四月七日

敕宗愈卿昔在諫垣首開正論出入滋久操守不回雅尚在人既非一日之積歷試而用亦自群言之公往祇厥官毋替朕命

賜新除依前中散大夫充樞密直學士簽書樞密院事趙瞻辭免恩命不允詔元祐三年四月七日

敕趙瞻朕惟平兵之地司命吾民矧悉戎叛服之無常寧具邊鄙安危之未决豈以此柄輕授其人以卿望系三指紳學兼文武歷試而用衆言允諧往踐厥

官如違朕命

賜新除門下侍郎孫固辭恩命不允詔元祐三年四月八日

敕孫固朕惟三朝老臣義同休戚先帝舊學存者幾人意其風采之聳聞可使朝廷之增重矧卿德望主系著寄任已隆昔冠西樞今貳東省衆以為允義無口一辭

答子

臣八丁月八日在內批安燾詞免轉右光祿大夫劄子降切不許臣竊謂人主之馭群臣專以禮義庶庶若使無名之寵則為待臣子之輕今朝廷豈以執

政二人五人進用故加遷秩以慰其心盡位冠西樞
委實可至重豈肯見人擢用即以介懷既無授受之名
僅以姑息之政縱有先朝故事亦是一時誤恩今
盡力詞正為知義臣欲奉命草詔不知所以為詞伏
望聖慈從其所請若除受別有緣故即乞明降指
揮以於義稍安敢不撰進取

進止
御案具批可且用一意度作不許辭免詔書進入

賜新除右光祿大夫依前知樞密院事安燾
辭恩命不允詔元祐三年四月八日

敕安燾卿謀國之至歷年于茲紀綱修明中外寧輯
天圖任共政所憂者大則久勞遷秩亦理之常雖固
執於撝謙恐難回於成命往服休寵以彰眷懷

賜新除中大夫守尚書右丞胡宗愈辭免恩命
不允詔元祐三年四月十日

敕宗愈卿更涉夷險踐敷中外出奉使指而民宜之
入治天官而吏畏之非獨能言者也書不云乎敷奏
以言明諷以功朕待之矣卿其勿辭

賜新除依前中散大夫充樞密直學士簽書樞
密院事趙瞻辭免恩命不允詔元祐三年四月十日

敕趙瞻朕之進人可謂難矣自非耆老久次惴惴無
華則樞機之任不以輕授卿之自視何愧於斯祇服
庶官思所以稱而已

賜正議大夫知樞密院事安燾辭免遷官恩

命允詔元祐三年四月十五日

敕安燾卿國之舊輔位冠樞庭以時褒陞豈待功闕
而能力詞寵命欲以身率羣臣使庶耻相先名器益
重勉從來請以篤比風

賜新除中大夫守尚書右丞胡宗愈辭免恩

命不允詔元祐三年四月十五日

敕宗愈朕之用卿蓋聽其言考其行事參之公議而
斷自朕心可謂審矣而卿固辭不已朕其惑之夫小
人以位為寵求之而不可得君子以寵為憂推之而
莫能去自古以然卿何疑哉

內中御侍以下賀 太皇太后羊節詞語元祐三年十一月一日

伏以太族旋宮既贊揚而出滯句芒司歷方布德以
緩刑恭惟太皇太后陛下化始六宮風行九有捐財
振廩救民溝壑之中求賢審官拔士茹茨之下方履
端之資始膺景福於無疆妾等幸侍禁嚴粗供
婦職願獻岡陵之壽少輸草木之誠

內中御侍以下賀

皇帝年節詞語 元祐二年 二月一日

伏以齊七政於璣衡天人並應受三朝之圖籍海宇
來同恭惟皇帝陛下至仁無私神武不殺祖述先帝
歷家以授民時儀刑文王正家而敷天下方肇新
於歲律宜嚮用於神休妾等幸侍禁嚴仰陶化
育願上萬年之壽永膺百順之祥

內中御侍已下賀

皇太后年節詞語 元祐二年 二月一日

伏以三元資始際讓以饒餘寒萬寶更新燭烈以興

嗣歲恭惟皇太后道光馮沛德配周南輔導兩朝
慈格於上下儀形九御恭儉聞於邇遐順履三陽誕
膺百祿妾等幸班禁掖久被餘光莫報生成之恩但
祝靈長之筭

班荆館賜大遼賀興龍節人使回程御筵口宣

元祐二年 十二月六日

有敕卿等已事言旋改轅茲始冒寒遠涉軫念良深
少憇近郊復陳燕豆

班荆館賜大遼賀正旦人使到關酒果口宣

二年十二月十日

有敕卿等遠修隣好來會歲元父涉冰塗少休郊館
宜頒芳旨以勞驂駢

賜新除守尚書右僕射兼中書侍郎范純仁上

第一表辭免恩命不允批荅元祐三年四月十二日

覽表具之夫有鳥獲之力然後可以付千鈞有和扁
之功然後可以寄死生故宰相之任非所以寵人臣
也無其德而當之為不智有其材而辭之為不仁若
卿之才德亦可謂稱矣往思其愛以稱天下之望

賜范純仁上第一表辭免恩命不許批荅元祐三年四月十二日

四月十二日

覽表具之吾聞之乃烈考曰君子先天下之憂而憂
後天下之樂而樂雖聖人復起不易斯言卿將書之
紳銘之盤盂以為一言而可以終身行之者歟則今茲爰
立之命乃所以委重授艱而已又何辭乎

賜新除尚書左僕射兼大防尚書右僕射范純仁辭

免恩命不允批荅口宣元祐三年四月

有敕卿望重搢紳才兼文武弼亮之選中外同然每當固辭相朕意

賜新除司空同平章軍國事兼中書省上第一表

辭免恩命不許斷來章批荅元祐三年四月十二日

省表具之夫國以得人為彊如猛獸之衛藜藿以

積賢為寶如珠玉之茂山川湛然無為物自蒙利故
崔公發議則消青慙服知朝廷之有人蜀使抗詞則
孫權回顧歎張昭之不在得失之效豈可同日而語
哉朕之用卿意實在此國計之重可無復詞

賜新除司空同平章軍國事呂公著上第二

表辭免恩命不允斷來章批荅元祐三年四月十二日

省表具之周之詩曰無曰予小子召公其似唐之雅
曰惟西平有子惟我有臣夫父子君臣之間光明盛
大如此載之簡策被之金石豈獨閨門之寵足為
邦國之華再省來章具陳先烈雖朕寡昧不敢

庶幾於仁祖而卿忠孝當念服勤於世官祇率厥常
毋違朕命

賜呂公著辭恩命上第二表不允斷來章批荅

口宣元祐三年四月十二日

有敕卿以全德式符具瞻宜與師臣共為民表欽承
明命仰聽嘉謨

賜新除中尚書左僕射無門下侍郎呂大防上

第二表辭免恩命不許斷來章批荅元祐三年四月十二日
省表具之卿有夷狄盜賊之虞倉廩禮樂之歎陰
陽風雨之憂此三者誠當今之大計朕之所以中夜

不寐輟食大息者正爲此也。孟子曰：責難於君，謂之
恭。夫既以責其君而不以身任之者，非仁人也。願卿
慨然當吉人之重，略世俗之謙，務踐斯言。爰此二者，
賜臣大防上第二表，辭免恩命，不允。斷來章批。
荅 元祐三年四月十二日

省表具之。夫任賢使能，天下之公義。而詞大就小，君
子之自守也。惟名器爵祿，朕所不敢授以私。則勞謙
退避，卿豈得必行其意？所謂唐虞三代信任之至，
以致撥契，伊呂德業之隆。若卿之言，朕敢不勉。請
事斯語，求觀厥成。

賜新除守尚書右僕射兼中書侍郎范純仁上

第二表，辭免恩命，不許。斷來章批。元祐三年四月十二日

省表具之。卿以明哲自託，不能非獨以見君子勞謙
之光，亦因以知前世用人之弊。功烈無取，誠如卿言。
夫次公減於治郡，子元不如爲將，非獨文獻不足，蓋
其才德有偏。如卿昔在朝廷，首談孟軻之仁，蓋旋爲
帥守，專行羊祜之威信。既有大志，以其先人苟推此
心，施于有政，則太平可望，而小節可略矣。

賜范純仁上第二表，辭免恩命，不允。斷來章批。

荅 元祐三年四月十二日

省表具之自昔 先帝之世屢歎才難及朕嗣位以
來專用德選雖爵祿名器出於獨斷而長育成就
實在群公長短不遺輔相之責苟無為國之養人之
意必有臨事之使之憂朕用慨然嘗食不御思得英
雋之老共收文武之用惟卿篤於憂國明於知人灼
見朕心宜在此位往任天下之重母事匹夫之庶
賜詔純仁呂太防辭恩命上第二表不允斷來
章批荅口宣元祐三年三月
有敕卿以宏材久聞大政雖升宰輔實具懿具瞻宜
速拜嘉尚煩謙避

賜新除依前正議大夫守門下侍郎孫固辭免
恩命不許斷來章批荅元祐三年四月十三日
省表具之卿奉事先帝有勸學之舊與聞機政有
已試之功固非躐等之遷獨恨用卿之晚勉徇大義
母事小庶

賜孫固辭免恩命不允斷來章批荅元祐三年四月十三日
省表具之卿向自西樞出殿藩服頃由近輔入侍燕
間昔有未識之恩今乃日聞其語既見君子無踰老
臣當益勵於初心尚何詞於新命
賜新除門下侍郎孫固辭免恩命不允斷來章

批荅口宣

元祐三年四月十四日

有敕卿金華雋老西樞舊臣與政東臺實慰輿議
祇膺成命母復固詞

賜新除依前中大夫守中書侍郎劉執彝辭免恩

命不許斷來章

元祐三年四月十二日

省表具之卿蹈道深法守節淳固雖不留於儻來之
物而有志於行可之仕樂告以善勇於敢為進不求
當世之名退不叛平生之學未嘗為枉尺直尋之事
夫豈有見得忘義之嫌哉母復過詞往踐乃事

賜劉執彝恩

命不允斷來章

元祐三年四月十二日

省表具之朕纘服之初卿言責是任歷陳治道之要
以立太平之基朕欲信其言遂授以政歲月未幾紀
綱畧陳欲究觀心術之微宜擢居政本之地苟無愧
於允蹈豈不賢於力驛往服官箴勿違朕命

賜劉執彝辭免恩命不允斷來章

元祐三年四月十四日

有敕稽參衆言蔽自朕志西省之貳無以逾卿函踐
厥官母煩固避

賜新除依前中大夫守尚書左丞王存辭免恩

命不許斷來章

元祐三年四月十二日

省表具之夫志大有遠器博無近用以卿忠義開濟何施不宜今以次遷向足辭也益堅無倦之意以觀可久之業

賜王存辭免恩命不允斷來章批荅元祐三年四月十二日

省表具之夫陛廡之增所以隆堂奧位次有叙所以尊朝廷朕既樂得於英才復以時而遷用庶幾華國非以寵卿祇率厥常毋廢朕命

賜王存辭免恩命不允斷來章批荅口宣元祐三年四月十二日

有被卿純忠許國推望在人官以次升義無足避其

承休寵以副眷懷

賜新除中大夫守尚書右丞胡宗愈辭免恩命

不許斷來章批荅元祐三年四月十四日

省表具之卿自天官擢領風憲下有庇民之意上有愛君之忠度其不以利回是故可以大受丞轄之任非卿孰宜毋復固辭以就素業

賜胡宗愈辭免恩命不允斷來章批荅元祐三年四月十四日

省表具之人才之難古今所病忠厚者多乏於用強濟者或涼於德有德適用如卿樂人方觀卿謀國之

良以成朕知人之美深體此意往祗厥官

賜胡宗愈辭免恩命不允斷來章批荅口宣
元祐三年四月十四日

有敕卿雅望在人純忠許國既以彙進胡為力詞宜體至懷即膺成命

賜新除依前中散大夫充樞密直學士簽書樞密院事趙瞻辭免恩命不允斷來章批荅
元祐三年四月十四日

省表具之君子之仕也喜於知而樂於用如卿之言結髮從仕而白首遇合則君子之用舍進退蓋亦有

時矣勉行其道無失斯時苟能遇亨而必為則亦立功之未晚古人之事將見於卿

賜趙瞻辭免恩命不允斷來章批荅
元祐三年四月十三日

省表具之卿挺然孤忠白首一節逝將力求於退避夫豈有意於進取哉特以雅望既隆公議所在方將度才而授任固難越卿以用人往踐厥官毋違朕志

賜趙瞻辭免恩命不允斷來章批荅口宣
元祐三年四月十四日

有敕朝廷用人議論先定不次之舉非卿孰宜亟服

休恩母煩回避

閣門賜新除守司空同平章軍國事呂公著告

口宣元祐二年四月七日

有敕卿正位三公具瞻多士方資坐論以副仰成體朕眷懷服此明命

閣門賜新除宰相呂大防范純仁告口宣元祐二年四月七日

四月七日

有敕朕稽參衆庶登用俊良並建宰司同陞揆路祇承明命仰副眷懷

賜新除司空同平章軍國事丁果公著辭免冊禮

許誥元祐三年四月十五日

敕公著多儀以降輔弼國之彝典自損以信君父卿之義志再閱誠言之請益彰謙德之光勉徇所陳不忘嘉歎

賜新除司空同平章軍國事呂公著辭免冊禮

允詔元祐三年四月十五日

敕公著冊祝於廟惟周之典臨朝親拜亦漢之舊事大則禮重禮重則樂備古之道也今卿遜避不居自處以約勉從所乞以成其美

賜新除試御史中丞孫覺辭免恩命不允詔元祐三年四月十五日

三年四月
八日

敕孫覺卿三居諫省皆以直聞蓋嘗遇事以建言志
在行義以達道擢為執法實允僉言以卿直諫多聞
而朕開納不諱固無觀望難言之病豈有喪失名節
之憂哉載閱來章甚非所望

賜新除翰林學士朝請大夫知制誥許將赴闕

元祐三年
四月十二日

敕許將卿敏而好學達於從政出殿方國則脩儒術
以飾吏事入俗顧問則酌民言以廣上聽待命北門
號稱內相雖於卿為舊物實當今之高選亟踐厥職

行開嘉猷

賜許將辭免恩命不允元祐三年
四月十八日

敕許將進以經術當詔我以安危來自西南固知民
之利病渴聞謹論少副虛懷而乃退托無能力辭舊
物既非所望其可曲從

賜河北西路諸軍秋季銀鞋兼傳宣撫問臣寮

將校口宣元祐三年
四月十八日

有敕汝卿等憂寄之深疆事靡盬養言勞勩相心各平
寧體我至懷受茲時賜

白溝驛賜大遼賀坤成節人使御筵兼傳宣撫

問口宣元祐三年四月二十二日
有收御茅遠涉暑途采陳慶幣眷言徒御又犯風埃
往錫燕娛少休行役

東坡內制集卷第

東坡內制集卷第八

元祐三年端午帖子詞

皇帝問六首

其一 五言

盛德初融後潛陰未始時侍臣占易象明兩作重离

其二

孫秀擷君千芳爭儲百藥良太醫初薦艾蒿草驗譜

其三

微涼生殿閣習習滿皇都試問吾民愠南風為解無

其四 七言

西檻新來玉宇風侍臣茗盃得雍容庭槐以識天顏
喜舞破清陰作兩龍

其五

講徐交翟轉回廊始覺深宮夏日長揚子江心空百
鍊只將無逸鑑興亡

其六

一扇清風灑面寒應緣飛自在冰紈坐知四海蒙膏日
澤沐浴君王德似蘭

太皇太后閣六首

其一 五言

漸臺通翠浪暑殿轉清風簾捲東朝散金烏未遽中

其二

日永蠶收簇風高麥上場朝來籍田令菰黍獻時芳

其三

舞羽諸羌伏銷兵萬彙蘇只應黃紙誥便是赤靈符

其四 七言

令節陳詩歲歲新從臣何以壽吾君願儲醫國三年
文不作沉湘九辨文

其五

忠臣諒節今千歲孝女孤風滿四方不復巫陽占郢

容齋隨筆十六云
前代為監云周書
曰我不可不監于有
商又周公作無逸
補商三宗以謂中
宗高宗及祖甲也

夢空餘仲御扣河章

其六

長養恩深動植均只憂貪吏尚殘民外廷已拜梟羹
賜應助吾君去不仁

皇太后閣六首

其一 五言

露簟琴書冷瑤槃餐餌新深宮猶畏日應念暑耘人

其二

萬壽苜蒲酒千金琥珀盃年年行樂處新月掛池臺

其三

翠筒初室棟鄉黍復纏菰水殿開冰鑑瑤葉凍玉壺

其四 七言

秘殿扶踈夏木深雨餘初有一蟬吟應將羸女乘鸞
扇更助南風長棘心

其五

上林珍木暗池臺蜀產吳包萬里來不獨槃中見盧
橘時於糗裏得楊梅

其六

閔楚遺風萬古情湘沅舊俗到金明翠輿黃繖何時

幸盡鷓飛鳥盡日橫

皇太妃閣五首

其一 五言

午景簾櫳靜薰風草木酣誰知恭儉德絲縷出親蠶

其二

雨細方梅夏風高已麥秋應憐百花盡綠葉暗紅榴

其三

七言

辟兵已佩靈符小續命仍縈絲縷長不為祈禳得天助要隨風俗樂時康

其四

玉盃沉李灑清泉金鴨燻空裊細煙自有梧楸郭日仍欣麥黍報豐年

其五

良辰樂事古難同繡質朱絲奉南宮仁孝自應禳百沴艾人桃印本無功

夫人閣四首

其一

五言

肅肅槐庭午沉沉玉漏稀皇恩樂佳節闈草得珠璣

其二

節物荆吳舊喜游禁掖閑仙風隨畫筵拜賜落人間

五綵縈筒秣稻香千門結艾鬢鬚張旋開寶典尋風
物要及靈辰共被禳

其四

欲曉銅餅下井欄鏗鏗金殿發清寒似聞人世南風
熱日上墻東問幾年

賜大遼賀正成節人使生餽口宣

元祐三年五月十日

有敕卿等肅將鄰好來慶誕辰徒馭久勞館宇初定
宜頒委積以示寵章

賜新除依前朝散大夫守尚書吏部侍郎充龍

圖閣待制傅堯俞辭免恩命不允詔

元祐三年五月二十三日

敕堯俞夙望所在舊疾既平及茲言還慰我虛佇徒
得君重雖暫屈於淮陽雅意本朝寧久安於馮翊復
求自便殊異所期往修厥官務稱朕命

故皇叔祖昭信軍節度使檢校司空開府儀同

三司漢東郡王宗瑗祭文

堂祭

惟王之生令德孝恭云何不淑罹此閔凶無復會朝
載惻予哀往奠其寢維以飾終

故皇叔祖昭信軍節度使檢校司空開府儀同

三司漢東郡王宗瑗祭文

下事

嗚呼死生之變賢愚莫逃日月有時義當即遠哀榮之極禮以告終來舉奠觴往安窀穸

賜守尚書右丞胡宗愈乞除閑慢差遣不允詔

元祐三年五月二十七日

宗愈朕開獎言路通來下情雖許風聞猶當核實以無根之語輕誣輔政之臣朕方馭衆以寬退人以禮加之美職付以大邦朕既無負於聽言卿亦何嫌而避位祇服乃事毋自為疑

賜正議大夫知樞密院事安燾乞退不允批荅

元祐三年五月二十八日

省表具之宥密之司安危所寄雖美固款塞少休烽燧之虞而夏童跳邊猶煩籌策之馭翻然求去義有未安夫以朕大烹優賢之資豈不能助卿養志之具足以毋廢子職而能兼為國謀豈不休哉

賜正議大夫知樞密院事安燾乞退不許批荅

元祐三年五月二十八日

省表具之乃眷西樞實參大柄吾欲兵民兼利戎夏兩安非宿業更變之臣懼有傷財玩寇之患卿當念先朝委重之久未可以親庭歸養為詞勉安厥官以副吾意

賜安燾乞退不允斷來章批荅口宣元祐三年六月一日
有敕卿以舊德首冠西樞雅望既隆仰成彌重宜安厥位以卒輔予

後苑瑤津亭開啓祈雨道場齋文

元祐三年六月一日

六月徂夏方金火之爭三農望秋之雷雨之施嗟人何罪逢歲之艱自非妙覺之等慈孰拯疲氓於重困有嚴禁苑祗建淨筵念我憂勞錫之膏澤非獨起焦枯於田野抑將掃疾疫於里閭嘉與含生永均介福

後苑瑤津亭開啓謝雨道場齋文

元祐三年六月五日

於屆仲周澤載濡農田告足既解蘊隆之患庶無流潦之虞仰冀能仁曲垂昭鑒

永裕陵正月旦表本

伏以賓出日於賜谷堯歷方頒朝計吏於原陵漢儀具舉恭惟謚號皇帝功馭禹迹德邁湯仁雖歲月之屢遷想威神而如在載瞻園寢空極望思

永裕陵二月旦表本

伏以時方啓蟄禮及獻羔感清衍之協風林懷思於濡露恭惟謚號皇帝文武緝世聖靈在天岱裁泥金講升中之禮荆山鑄鼎遽成脫屣之游永望寢園

徒增感慕

永裕陵四月旦表本

伏以日躔昴畢卦直乾巽物家長養之仁世載文明之化恭惟謚號皇帝功成不宰德範無窮執炎帝之衡莫追往躅秩南郊之政空守成規祇望寢園惟增感慕

永裕陵十月旦表本

伏以戒寒墮戶倏及於春正前晦行陵祇循於漢禮恭惟謚號皇帝懿文緯世享德載時休老勞農追述養民之政厲兵講武啟心經國之謀末望寢園益增感慕

感慕

永裕陵十二月旦表本

伏以商正紀歷大呂旋宮論時令以待來歲之宜
民力以共宗廟之祀恭惟謚號皇帝至仁無外全德
難名文物聲明但覩乘時之迹昆蟲草木孰知成歲
之功急景易遷永懷何極

賜尚書右僕射兼中書侍郎范溥仁生日詔

三年六月九日

敕純仁卿河嶽之靈神明所相載更誕日永介壽祺
體我眷懷受茲寵錫

賜北京恩翼等州脩河官吏及都運運使運判
監丞等銀合茶藥并兵級等夏藥特支兼傳宣

撫問口宣

元祐三年六月十四日

有敕卿等夙夜河壩暴露野次屬茲暑雨深軫予懷
往示寵頒少慰勞苦

撫問保寧軍節度使知大名府馮京兼賜銀合

茶藥口宣

元祐二年六月七日

有敕河役方興吏士在野暑雨之除綏御為勞膺此
寵頒尚加慎護

賜河西軍節度使西蕃邀川首領阿里骨進奉

回詔

元祐三年四月二十二日

敕阿里骨惟爾祖先世篤忠孝本與夏賊日尋干戈
亦惟恃我朝廷爵秩之隆用能保爾子孫黎民之衆
肆朕命爾嗣長乃師而承襲以來強酋外擅爾弗能
禁恣其所為遂據洮城以犯王略陰連夏賊約日盜
邊朕愍屬羌之無辜出偏師而問罪元惡俘獲餘黨
散亡山後底平河南綏服朕惟率酋豪而捍疆場乃
爾世功叛君父而從仇讎豈其本意庶能改過未忍
加兵果因物以貢誠願洗心而效順爾既知悔朕復
何求已指揮熙河路更不出兵及除已招納到部族

外住罷招納依舊許般次往來買賣及上京進奉爾
宜約束種類共保邊陲期寵祿於有終知大恩之難
再勿使來款復為虛言

賜太中大夫守尚書左僕射兼門下侍郎呂大

商生日禮物口宣

元祐三年六月二十二日

有敕乃眷良辰篤生元輔豈獨搢紳之望允為河華
之英今遣爾甥往致朕命受茲休寵永介壽祺

賜皇弟山南東道節度使開府儀同三司大寧

郡王佖生日禮物口宣

元祐三年六月二十二日

有敕乃眷賢王寤而生茲日本枝之慶華萼相承宜分

廐庫之良以致喬松之壽

賜正議大夫守門下侍郎孫固生日詔

元祐三年六月二十

敕孫固鄉圖任之舊搢紳所推難老之祥神人攸相
載更良日益永壽祺申以寵章式隆眷遇

賜正議大夫知樞密院事安燾生日詔

元祐三年六月二十

敕安燾系孤告慶降哲輔於茲辰綠服拜嘉冠榮名
於當代祇服朕命益壽乃親

賜五臺山十寺僧正省奇已下將獎諭敕書

元祐三年六月十八日

六月十八日

敕清涼之峯仙聖所宅爰修淨供以慶誕辰再省恭
勤不忘嘉歎

玉津園賜大遼賀坤成節人使射弓例物口宣

元祐三年
七月九日

有敕卿等既陳慶幣復展射侯豈獨娛賓亦將觀德
宜有珍良之錫以旌審固之能

賜殿前司罷散坤成節道場香酒果口宣

元祐
三年
七月
九日

有敕卿忠存衛上義切戴君爰祝壽山克成梵供宜
加寵錫以示眷懷

賜宗室開府儀同三司以下罷散坤成節道場

香酒果口宣

元祐三年
七月九日

有敕卿以令德懿親共翰誠悃名藍法供虔祝壽祺
既徹淨筵宜加寵錫

就驛賜大遼國賀坤成節人使宴口宣

元祐三
年七月
十六日

有敕卿等遠馳使傳來會誕辰言念勤勞宜加旌寵
特頒燕喜以示眷懷

就驛賜大遼賀坤成節人使花酒果口宣

元祐
三年
七月十
六日

有敕卿等肅將慶幣來舉壽觴臨遣輔臣往頒燕豆
仍加寵賚以示眷懷

賜大遼人使賀坤成節入見訖歸驛御筵口宣

元祐三年七月八日

有敕卿等初抵使車已陳慶幣退安館舍往錫燕觴
式示眷懷且旌勞勩

賜大遼人使賀坤成節入見訖歸驛酒果口宣

元祐三年七月八日

有敕卿等遠庭致命就館即安少休行役之勞宜示
眷懷之異式昭寵數往錫甘芳

班荆館賜大遼賀坤成節人使回程御筵口宣

元祐三年七月八日

有敕卿等使事畢陳還車載啓改轅而北拜節少
留就錫燕嘉式昭禮遇

大皇太后賜門下手詔元祐三年七月八日

敕門下 皇帝嗣位于茲四年華亮來同天地並應
而皇太妃以恭儉之德鞠育之恩雖典冊以時奉行
而情文疑有未稱皇帝以祖考之奉尊無二上而吾
惟春秋之義母以子貴其推天下之養以慰人子之
心宜下禮部大常寺討尋如於典故有褒崇未盡事

件令子細開具聞奏

賜馬步軍司罷散坤成節道場香酒果口宣

三年七月十二日

有敕卿等共罄臣衷力祈慈壽爰修法會亦既告成宜有寵頒以旌誠懇

賜知樞密院事安燾已下罷散坤成節道場香

酒果口宣

有敕卿等忠存廟社義篤馬君親嘉法會之有成祝

聖齡於無極宜加寵賚以示眷懷

賜皇伯祖嗣王宗暉已下罷散坤成節道場

香酒果口宣

有敕卿等為國懿親助我孝治祝慈闈之永壽成法

會於茲辰宜有寵頒以旌忠悃

賜皇叔楊王醴泉觀罷散坤成節道場香酒

果口宣

有敕卿等以周邵之親躬任妣之養力祈壽嘏祇扣佛乘既徹淨筵宜膺寵賚

除苗授特授武泰軍節度使殿前副都指揮使

勳封食實封如故制

門下出樞元戎作先聲於士氣入為環尹寓軍政於

國容將神閫外之威以迪師中之吉咨于尔衆朕得其人侍衛親軍步軍副都指揮使威武軍節度觀察留後持節福州諸軍事福州刺史上柱國濟南郡開國公食邑二千八百戶食實封三百戶苗授早以異材見稱武畧被服忠義有列文夫之風砥礪廉隅得士君子之槩荐揚邊圉益著勞能拔自衆人既蒙先帝之遇遂拜大將無復一軍之驚祇扈殿巖肅將齋鉞予欲少長有禮而兵可用汝其夙夜在公而令必行於戲愛克朕威罔功茲爲深戒師衆以順焉爲武古有成言惟懋乃哀毋忘朕訓

賜太師文彦博已下罷散坤成節道場香酒果

口宣元祐二年十月十二日

有敕元老在廷百官承式啓法進於梵宇祝壽嘏於慈闈宣有寵頒以助燕喜

相州賜大遼賀坤成節人使却回御筵口宣

三年七月十三日

有敕卿等遠飭征驂少休近郡載惟勤勤良極軫懷往錫宴觴以華歸騎

瀛洲賜大遼賀坤成節人使回程御筵口宣

三年七月十三日

有敕卿等遠聘通歡言歸復命改轅北道弭節邊城
宜錫燕觴少休行役

賜護國軍節度使濟陽郡王曹佺罷散坤成節

道場香酒果口宣

元祐三年七月十三日

有敕卿以耆德首冠戚藩虔祝壽祺告成法會宜加
寵賚以助燕私

班荆館賜大遼賀坤成節人使回程酒果口宣

元祐三年

七月十三日

有敕卿等致命言還改轅伊始暑雨方作徒馭實
勞宜有寵頒以昭眷遇

西嶽廟開啓祈雨道場青詞

元祐三年七月十三日

伏以二華之尊作鎮於西極兆人所多望歲於秋成
穀既日滋雨不時霈敢以病告于我有神閱茲將稿
之苗賜以宗朝之澤惟神之德非我敢忘

奉宸庫翻修聖字等庫了畢安愬土地道場齊
文

伏以貨幣所藏有壞必葺聰直之鑒既成乃安爰仗
佛慈以綏神守庶期昭格永底純熙

賜新除殿前副都指揮使武泰軍節度使苗
接上第一表辭免恩命不許斷來章批荅

元祐三年

七月十九日

省表具之試材已舊謀帥尤艱故以久次用人欲其深練於事而卿辭以錮疾豈所望哉速即乃官毋復退避

賜新除殿前副都指揮使武泰軍節度使苗授

上第二表辭免恩命不允斷來音下批卷元祐三年七月十九

覽表具之環衛之嚴節制之重証告多至以長萬夫朕輕用其人哉確然固辭未喻厥指往祇朕命毋曠乃官

賜新除殿前副都指揮使武泰軍節度使苗授

辭免恩命第三表不允批答口宣元祐三年七月二十日

有敕卿早練武經晚著邊効進持帥節實允恩命矧以次遷無煩懇避

賜于闐國黑汗王進奉示諭敕書元祐三年五月一日

敕卿恪居蕃守申遣使車來款塞垣恭脩壤貢忠誠遠達褒歎良深

賜于闐國黑汗王進奉敕書

敕卿守土西極馳誠中華驛馬充庭尚識漢儀之舊織皮在籬聊觀禹貢之餘載省忠勤不忘嘉歎

賜于闐國黑汗王男被令帝英進奉敕書

敕汝世敦忠學志慕聲明遠附奏函亦馳貢篚載惟
恭順良極歎台

賜皇叔 斬除徐王上第二表 辭免恩命不允 斷

來章批 谷口宣 元祐三年八月十五日

有敕朕始升 任方以昨 赫父庶幾大彭之壽罔愧元
王之賢毋復 屢辭函雁月成命

示諭武 恭軍官吏軍人僧道百姓等敕書 元祐三年八月

敕朕以苗授 賦材勇嚴馭衆整暇擢為宿衛之長
寵以節旄之 榮惟爾邦人當諭朕意

中太一宮真室殿開啓天皇九曜消災集福道

場青詞

臣以冲眇嗣承列聖之休濟于艱難實賴文母之
德臨蒞四載勤勞百為畏天之威未嘗終日而豫怠
視民如子惟恐一夫之困窮伏願上帝降祥衆真齊
佑消禳災沴永底壽康恭陳寶籙之科仰扣神游
之館敢祈昭鑒下察孝心

東坡集內制卷第八

東坡內制集卷第九

中太一宮真室殿爲

太皇太后消災集福罷散天皇九曜道場朱表
臣言仁者必壽信惟天地之心孝無不通且從臣子
之欲虔遵道範仰扣真廷庶同海宇之誠上集 慈
闈之福天威咫尺求聰明於我民聖壽萬年定子孫
于下地更推博施普及函生

顯聖寺壽聖禪院開啓

太皇太后消災集福粉壇道場齋文

伏以躬儉節用本嚴房闈之風遺夫投艱猥當廟社

之寄常恐德之弗類以召災于厥身敢即仁祠肆陳
淨供恭延梵釋普施人天俾壽而康非獨輔安於寡
昧與民同利固將燕及於華夷仰冀能仁曲垂照鑒
後苑瑤津亭開啓祈雨道場齋文

伏以常暘之沴歷月于茲近自都畿遠及關輔豈獨
西成之害將爲宿麥之憂仰止覺慈必垂善救普集
山川之宇來登梵釋之筵罔吝膏濡以興焦槁

閣門賜新除徐王告口宣

元祐三年八月十二日

有敕卿望隆尊屈圖德冠宗藩改殿大邦實諧群議
往服朕命以爲國華

皇叔故魏王啓殯祭文

惟靈龍表累朝之餘慶兼天下之達尊祖述之儀哀榮
斯極永惟宅兆之上未逢歲月之良參酌時宜遷神
郊館啓殯之始寓哀斯文

皇叔故魏王外殯前一夕夜祭文

惟王之生孝友仁慈既沒元身舉國懷思矧予冲眇
義兼父師天不我遺日月如馳出次近郊寓此仁祠
親奠莫及寧知我悲

皇叔故魏王下事祭文

惟靈出就外邸二年于茲一日不見企予望思矧此告

終月逝日遠雖云近郊寧復旋返築室祠宮既固既完雖非永歸亦可少安嗚呼哀哉

賜皇叔改封徐王顥上表辭免冊禮允詔元祐三年

八月二十日

敕卿大雅不羣自得詩書之富為善且以樂不知軒冕之榮既殿文邦宜膺盛禮而抑損之志遂巡不居雖莫稱朕所以極褒崇之心而將使卿庶幾獲謙冲之福勉從其意嘉歎不忘

賜皇叔改封徐王顥上表辭免冊禮許詔

敕顯錫山土田以昭令德備物設冊羔有常儀而卿

深懼滿盈過形抑畏一謙四益當重公永年三命滋恭因將有後曲成美志以勸事君宜依川乞

賜太師平章軍國重事大彥府上第一表乞致

仕不許批荅元祐三年九月二日

覽表具之昔師尚父九十秉旄杖鉞猶未告老此諸葛元遜所以屈張昭也而衛武公石年猶箴儆於國曰無以我老耄而捨我此左史倚相所以誨申公也今卿壽考康寧而退托衰病自引亦去獨不念天下之士有如彼二子者議其後乎姑安厥官以答公論

賜太師文彥博上第一表乞致以不允批荅元祐三年

九月二日

覽表具之朕聞之成王之政周公在前召公在後畢公在左史佚在右四子挾而維之目見正色耳聞正言一日即位天下曠然未聞四子言以老而求退亦未聞成王以老而聽其去也朕雖不德猶庶幾成王之治卿雖老矣獨不能以四子之心自勉乎勉率輔朕無愧前人

賜太師文彥博乞致仕不允斷來章批荅口宣

元祐三年九月五日

有教者老在位華夷尊觀若聽公歸恐失民望朕命

不生公其少留

賜龍圖閣學士河東路經畧使兼知太原府曾

布乞除一閑慢州郡不允詔元祐三年七月二十一日

敕曾布將不义任難以責成謀不士系定難以應猝卿屢試而用所臨有聲而况二年于茲諸將所服事既即叙人誰易卿夫擣虛攻瑕兵家之常執知難避整夷狄亦然卿若有以待之彼將望而士去矣勉卒乃事毋忘朕言

故尚宮吳氏墳所祭文

惟爾之生服勤乃事逢日之吉歸全于郊式榮其終

往致斯奠

西路關雨於濟瀆河瀆淮瀆之廟祈雨祝文

伏以水旱之事山川所司農服禱以有秋天密雲而不雨愧我不德瀆于有神願為三日之霖大慰一方之望國有常報我其敢忘

撫問秦鳳路臣寮口宣

元祐三年七月二十四日

有敕卿等久以選掄出分憂寄疆場之重綏御為勞宜示眷懷往宣指諭

除皇伯祖宗晟特起復制

元祐三年十一月一日

門下曾聞之哀喪不貳事漢唐之舊禮有奪情獨

予浴屏之親實兼臣子之重雖閨以恩掩義而公侯以國為家伯臣司宗職不可曠要經服事古有成言非予爾私其聽朕命皇伯祖彰化軍節度涇州管內觀察處置等使檢校司空開府儀同三司持節涇州諸軍事涇州刺史判大宗正事上柱國高密郡王食邑七千八百戶食實封二千四百戶宗晟天資純茂德履方嚴龔餘慶於祖宗蹈格言於師保典司屬籍克有令名郢客卒業於浮丘辟疆受知於先帝允釐厥位無愧昔人屬此閔凶纍然毀瘠嗟日月之逾邁重職業之久虛宜復寵名式從權制於戲出居官次

非王事不談退適倚廬讀喪祭之禮則忠孝兩得人
無間言功名益隆親有顯譽勉服朕訓光昭前聞

賜皇伯祖宗晟辭免起復恩命不允批荅口宣

元祐三年十一月十日

有敕官不可曠禮有從權苟愛君如愛親則王事為
家事勉薄舊服少屈私誠

賜皇伯祖宗晟辭免起復恩命不允斷來章批

荅口宣元祐三年十一月十八日

有敕卿哀慕未衰懇辭彌力既寒暑之一變宜忠
孝之兩全勉從朕言起服乃事

相州賜大遼賀興龍節使副御筵口宣元祐三年十一月六日

有敕卿等將命鄰邦服勤郵傳久薄風露少休車徒
宜體眷懷式同燕行

賜知涇州劉昌祚進奉興龍節銀詔元祐三年十一月六日

敕昌祚卿御侮邊庭馳神魏闕會嘉辰之獻壽納
貢篚以效珍載省忠勤不忘褒歎

相州賜大遼賀興龍節人使回程御筵口宣元祐三年十一月九日

有敕卿等夙駕歸軒少休旁郡眷言勞勩良極顧
懷往錫燕嘉以旌恩眷

撫問知大名府馮京口宣元祐三年閏二月八日
有敕卿等夙分重寄言念久勞歲聿云周王事靡盬
益加輔養以副眷懷

冬季傳宣撫問河北東路沿邊臣寮口宣元祐三年閏十二月八日

有敕疆場之守職思其憂霜露既凝歲聿云暮宜
加厚愛以副眷懷

賜知渭州劉昌祚進奉謝恩并賜月俸公使及

賀端午節馬詔元祐三年十一月二十四日

敕昌祚卿執德宏毅秉心恪恭拜新渥於公朝謹

儀於今節抗章來上因物見誠再省忠勤良深嘉歎

內中御侍已下賀

皇帝冬至詞語元祐三年十一月三十日

伏以日合天統時推建子之正律中黃鍾氣驗微陽
之應德施自上惠均於民伏惟 皇帝陛下道配皇
王化行夷夏觀其來復見乎天地之心靜以無為待
此陰陽之定雲物告瑞宮聲協和豈惟至治之祥自
得上天之祐一人有慶萬壽無疆安寧蒙被天光叨
塵婦職敢獻如山之祝庶同率土之歡

內中御侍已下賀

太皇太后冬至詞語

伏以書奏清臺驗曆象之邃密日移黃道迎化國之
舒長寰宇和平宮闈歡豫恭惟 太皇太后陛下教
降陰禮位正坤儀嗣大任之徽音道光千古衣明德
之大練儉化六官體柔靜以臨朝配清明而燭物慶
雲可望共占至治之祥彤史何知莫贊無為之德妾
等猥參女職仰奉 慈顏因來復之一陽祝無疆之
萬壽

內中御侍已下賀

皇太后冬至詞語

以候氣段灰喜佳簡之已應課功綵線知官日之
初長品物向榮掖廷胥悅恭惟 皇太后殿下母臨
四海婦應東朝求賢審官但有憂勤之志躬儉節用
豈忘澣濯之衣宜福祿之日康樂宮闈之無事妾等
濫塵木職獲奉 慈顏願先柏酒以稱觴更指椿年
而獻壽

賜樞密安燾已下罷散興龍節道場香酒果口

宣 元祐三年十一月二日

有款樞機之臣社稷是衛夙設人天之供共祈箕翼
之祥宜膺寵頒式助燕喜

賜駙馬都尉李瑋已下罷散興龍節道場香

酒果口宣元祐三年十一月三十日

有敕震夙紀辰邇遐同祝乃眷戚藩之重預修淨供之嚴亦告成宜膺寵錫

賜殿前副都指揮使苗授已下罷興龍節道場

香酒果口宣元祐三年十一月二十日

有敕卿等以衛上之忠屬誕彌之慶預嚴淨會以薦壽祺及此告成宜加寵賚

賜權管勾馬軍司公事姚麟已下罷散興龍節

道場酒果口宣元祐三年十一月二十日

敕卿等率職周廬歸誠梵宇共致延鴻之祝出於忠愛之深宜錫珍芳以助燕衍

賜皇伯祖宗晟辭免起復恩命不許詔元祐三年十一月五日

敕宗晟夫要經服事出於孔門墨衰從政見於魯史永惟徇國忘家之義非有食稻衣錦之嫌若非使卿居之而安則吾豈敢強所不欲勉從前詔往服厥官

賜皇伯祖宗晟辭免起復恩命不允詔元祐三年十一月五日

敕宗晟卿德爵與嵩皆天下達尊服屬之隆為宗室祭酒任獨高於三世報宜異於常人故奪情非以私卿而服事所以徇國義無所愧何以辭為

賜正議大夫知鄧州蔡確乞量移弟碩允詔元祐

十二月九日

敕蔡確以義責備春秋有失教之譏以情內恕詩人有將母之念碩之得罪事在有司難以貴近之親而廢朝廷之典及觀來請有既予心重違兄弟急難之詞以傷人子奉養之意

興龍節尚書省賜宰相已下酒果口宣元祐三年二月三日

有敕誕彌之慶中外所同眷我臣鄰共茲庶喜宜加寵賚以示眷懷

就驛賜大遼賀興龍節使副鈔鑼等口宣元祐三年

十二月二日

有敕卿等肅將鄰好遠涉寒塗眷言授館之初宜有勞來之禮往加寵錫以示眷懷

七月賜大遼賀興龍節人使內中酒果口宣元祐三年

十二月五日

有敕卿等提車就館布幣造廷既欣鄰好之修復歎使華之美就加寵賚式示眷存

玉津園賜大遼賀興龍節人使射弓御筵口宣
有敕卿等使節有華鄰歡載講既娛賓於靈囿將觀德於射侯宜有寵頒以旌命中

相州賜大遼賀正旦人使御筵口宣元祐三年十一月十日
有敕卿等春朝畢會鄰聘交馳屬徂歲之沍寒念遠
勤於行李往頒燕衍以重使華

趙州賜大遼賀正旦使副茶藥口宣元祐三年十一月十日
有敕卿等遠修舊好屬此沍寒載歷山川久蒙霜露
宜有精良之賜式彰軫念之懷

趙州賜大遼賀

太皇太后正旦使副茶藥口宣元祐三年十一月十日
有敕卿等遠馳四牡來慶三朝屬此歲寒勞於行役
宜膺寵錫以示眷存

班荆館賜大遼賀興龍節人使到闕御筵口宣
有敕卿等遠將鄰好至止都門屬霜霧之嚴疑念車
徒之勤瘁宜伸燕衍以示眷懷

賜大遼賀興龍節人使朝辭訖就驛酒果口宣

元祐三年十一月五日

有敕卿等畢事告旋指期言邁念征途之勞瘁迫徂
歲之沍寒體我至懷膺茲寵錫

賜大遼賀興龍節人使朝辭訖歸驛御筵口宣

元祐三年十一月五日

有敕卿等聘事告成陛辭言邁念歸途之云遠復賓

館之少留體我眷懷共茲宴喜

賜皇伯祖宗晟辭免起復恩命不許詔元祐三年二月十五日

敕宗晟卿哀迫之至言不及文覽之惻然欲從所請而宗子之衆才性各殊位不期驕祿不期侈非卿允蹈忠信力行禮義以身先之蓋未易齊也少屈尔私以成吾志不亦可乎

賜皇伯祖宗晟辭免起復恩命不允詔

敕宗晟卿以強起就位等語未便安而朕以徇私忠公為未盡美書云孝乎惟孝友于兄弟施於有政是亦為政夫聖人以孝弟為四從政而卿以從政為非孝

所聞也勉從朕命勿復固辭

賜文太師已下罷散興龍節道場香酒果口宣

元祐三年十二月二日

有敕乃眷師臣身先百辟有嚴淨供祇薦萬齡宜有分頒以助燕喜

興龍節尚書省賜知樞密院事安燾已下酒果口

宣元祐三年十一月三十日

有敕卿等任重樞機忠存廟社屬誕辰之薦壽脩法會以告成錫以珍芳助其燕喜

賜皇叔徐王罷散興龍節道場香酒果口宣元祐

三年十二月二日

有敕卿望隆周召德邁問平屬誕慶之紀辰仗佛乘而薦祉助茲宴喜錫以柔嘉

賜濟陽郡王曹侑罷散興龍節道場香酒果

口宣元祐三年十二月一日

有敕卿寵冠臧藩望隆在日德將祝無疆之壽故修最上之乘既徹淨筵宜膺龍錫

賜皇伯祖嗣僕王宗暉已下罷德興龍節道場

香酒果口宣元祐三年十二月一日

有敕眷我宗英乃心王室修彼龍天之供慶茲虹電之

祥宜有頒分以成燕喜

賜皇叔祖同知太宗正事宗景罷散興龍節

道場香酒果口宣元祐三年十二月一日

有敕乃眷宗英祇率藩服慶誕辰而薦壽修淨會以告成宜有分頒以助燕喜

十日賜大遼賀興龍節人使內中酒果口宣元祐三年十二月一日

四年十一月七日

有敕卿造廷稱壽率禮可觀豈惟鄰好之修亦見使華之美宜膺龍錫以示至恩

賜大遼賀興龍節人使生餼口宣元祐三年十二月一日

有敕卿等遠持慶幣申講鄰歡徒馭有華舍館方定宜往餼牽之錫以旌郵傳之勤

班荆館賜大遼賀興龍節人使回程御筵口宣

元祐三年十一月六日

有敕卿等告辭中禁改乘北轅屬晚歲之嚴凝念征途之悠緬往頒嘉燕可復少留

班荆館賜大遼賀興龍節人使却回酒果口宣

元祐三年十一月七日

有敕卿等改轅北路供帳都門風埃浩然徒馭勤止宜膺寵賜以示恩華

瀛州賜大遼賀興龍節人使回程御筵口宣

三年十一月七日

有敕卿等回車北道珥節遑亭使事已終歸驂少憩往頒燕衍益厚眷存

故渭州防禦使宗孺出殯一夕祭文

惟靈飭躬寡過秉德不回莫克永年遂即長夜哀榮之典國有故常死喪之戚予惟惻愴

故渭州防禦使宗孺下事祭文

嗚呼宗枝之秀罹此降災日月有時禮當即遠奄臨窀穸肆設几筵往致予哀來歆此奠

賜皇弟普寧郡王生日禮物口宣元祐三年十月七日
有敕朕之介弟生以茲辰眷棣萼之相輝祝椿齡之
難老宜同慶喜往致寵頒

雄州撫問大遼賀正旦人使口宣元祐三年
有敕卿等肅將慶幣來會春朝遠犯風埃實勞徒
馭欣聞入境良尉眷懷

賜河西軍節度使西蕃遼川首領阿里骨進奉
回程詔元祐三年八月三日

敕阿里骨卿屢款塞垣願終臣節爰因貢篚益
著誠心丹省忠勤良深嘉歎

皇帝回大遼皇帝賀興龍節書

世睦寶鄰申以無窮之好歲馳華使及茲載夙之辰
閱詞幣之兼隆識情文之備至願言欣感難悉究
陳

皇帝達

太皇太后回大遼皇帝問候書

遣使為壽既欣隣好之修因書見誠兼致慈闈之
問侍言有次來意畢陳感悻之深敷陳罔既
劄子

臣今日准中書有批送到宗晟辭免起復恩命劄子

奉

聖旨送學士院降詔不允謹按宗晟飭行有素持喪中禮所辭恩命已四不允而宗晟確然固守其詞愈哀且曰念臣執喪執親之日短致命徇國之日長出於至誠可謂純孝臣謂宗晟未經祥練之變且無金革之虞孝治之朝宜聽所守因以風厲宗室庶皆守禮為親顧不美哉若以宗正之任恐難其人亦當差官權攝須其從吉復以命之臣忝備禁從不敢不言所有不允詔書臣未敢撰取進止

賜皇伯祖宗晟辭免起復恩不許詔 元祐三年

敕宗晟卿致孝罔極守禮不回以魯衛之親而行事閔之事吾深欲成人之美邊卿之私顧以宗臣治親有國先務教以道藝時其冠昏將祭察其賢能而訓適其驕惰非吾宗室之老孰當父兄之任其深明吾意往服厥官

賜皇伯祖宗晟辭免起復恩命不允詔 元祐三年二月二十二日

敕宗晟君子之於禮雖先王未之有可以義起而况漢唐之舊故事具存如翟方進房喬之流皆以儒術致身不免於釋哀而謀國近歲夏竦晁宗慤亦以近臣奪喪君子不以為過今宗正之事止於治親辟猶父

兄訓教子弟豈以衰麻之故而廢閨門之政乎卿其勿疑亟服乃事

東坡內判集卷第十

賜朝散大夫守尚書吏部侍郎克龍圖閣待制

傅堯俞乞外郡不允詔元祐三年閏十一月十四日

敕堯俞卿望重本朝進由公議方卿大夫有為之際
士君子雜得之時而卿出領郡章入佐治典席未
暖而輒去政何時而報成尔疾行瘳姑安厥位

太皇太后賜門下手詔元祐二年閏十一月十四日

敕門下宮冗之患所從來尚矣流弊之極實甚

今以關計負至相倍蓰上自久間失職之吏則下有
受害無告之民故命大臣考求其本苟非裁損入流
之數無以澄清取士之源吾今自以眇身率先天下
求惟臨御之始嘗敕有司陰補私親舊無定限自
惟薄德敢配前人已詔家庭之恩止從母后之比今當
又損以示必行夫以先帝顧託之深天下責望之重苟
有利於社稷吾無愛於髮膚矧此恩私實同毫末
忠義之士當識此誠各忘內顧之心共成節約之制今
後每遇聖節大禮生辰合行親屬恩澤並四分減一皇
太后皇太妃準此

賜皇伯祖宗晟辭免起復恩命許終喪制誥

元祐三年閏十一月二日

敕宗晟夫衰麻之哀達於上下損益之變權以重輕雖事君均於事親而奪志難於奪帥悅聽終喪之守以成致孝之全言念篤誠實增屢歎

賜端明殿學士銀青光祿大夫致仕范鎮奏諭

元祐三年閏十一月二日

敕范鎮朕惟春秋之後禮樂先亡秦漢以來詔武僅在散樂工於河海之上往而不還聘先生以公齊魯之間有莫能致魏晉以下音節無遺豈徒刻衛之音已

雜華戎之器間有作者猶存典刑然銖黍之一差或宮商之易位惟我四朝之老獨知五降之非審聲知音以律生尺覽詩書之來上閱箕虞之在廷君臣同觀父老大息方詔學士大夫論其法工師有司考其聲上追先帝移風易俗之心下慰老臣憂君憂國之志究觀所作嘉歎不忘

賜保寧軍節度使知大名府馮京進奉賀興龍

節馬一疋并冬節馬二疋

元祐三年閏十一月十八日

敕馮京卿坐鎮全魏隱若長城遠馳頌禱之心來效駉駉之貢眷言忠盡良極歎嘉

賜泰寧軍節度觀察留後知相州李珣進奉賀冬
馬一疋詔元祐三年閏十
二月十八日

敕李珣卿宣化近邦馳神北闕屬茲陽月之吉遠效
王閑之良言念忠勤不忘嘉歎

賜殿前都虞候寧州團練使知熙州劉舜卿進
奉賀冬馬敕書元祐三年閏
二月十八日

敕劉舜卿職在分憂忠存衛上屬此泰正之旦遠輸
異產之良再省忠勤不忘嘉歎

賜大遼賀正旦人使正月一日就驛御筵口宣元
祐三年閏十二月
二十五日

有敕使華遠至春律肇新即卿舍館之安照我惠慈之
眷往陳燕豆以樂佳辰

賜大遼賀正旦人使內中酒果口宣元祐三年閏十
二月二十五日

有敕卿等瑞節華軒來修舊好芳醪珍實以薦新
春膺此寵頒禮予異眷

班荆館賜大遼賀正旦使臣回程御筵口宣元
祐三年閏十
二月二十五日

有敕卿等使事告成旋車言邁方改轅於北道暫弭
節於都門昭示眷懷少留宴衍

賜于闐國進奉人正旦就驛御筵口宣元祐三年
閏十二月九日

有敕重譯遠來觀光戾止屬人正之改律樂天叙之
發春宜示寵休式同燕喜

賜外任臣寮進奉興龍節馬詔敕書

元祐三年閏十月

二月十日

敕劉舜卿汝忠於衛上遠不忘君爰因彌月之宸來
效充庭之禮眷言勤篤良極歎嘉

雄州賜大遼國駕正旦人使回程御筵兼傳宣

撫問口宣

元祐二年閏十月二十五日

有敕卿等已事告歸祝居少憇眷言長道遠犯餘寒
宜錫燕嘉以旌勞勩

賜大遼賀正旦人使銀鈔羅唾孟子錦被等口

宣

元祐三年閏二月十八日

有敕卿等遠將鄰好來慶春朝眷言跋履之勤宜
有珎華之錫受茲異寵體我至懷

皇太后宮閣慶落成開啓道場青詞

伏以良辰寵吉華構一新仰荷褒崇之私得伸鞠
育之報落成告備法會有嚴請命上穹馳神真
聖庶精誠之必達錫壽祉於無窮無任懇倒之至
玉津園賜大遼賀正旦人使射弓例物口宣

元祐三年閏十月三日

有敕射以娛賓抑將觀德發而命申曾不出正宜旌
審固之能膺受珍良之賜

瀛州賜大遼賀正旦人使回程御筵日宣元祐三年

閏十二月十九日

有敕卿等二聘言還犯寒遠萬方脂車於道北復弭節
於邊城宜鉅宴嘉以旌勞勩

班剝鉛賜大遼賀正旦人使却回酒果日宣元祐四年

正月一日

有敕卿等遠涉言邁弭節少留念轡轡之方勤涉冰
霜之餘凜宜陳燕俎以寵歸軒

正月六日朝辭於北就驛賜大遼賀正旦人使御

筵口宣元祐四年

有敕卿等使事告成廷辭言邁命近臣之往勞庶
遠道之少留體我眷懷共茲宴衍

賜中大夫守尚書左丞王存生日詔元祐四年正月四日

敕王存存易之泰與物皆春於時良臣生我王國宜
膺寵賚以介壽祺

賜龍圖閣直學士正議大夫權知開封府呂公
孺上表陳乞致仕不允詔元祐四年正月五日

敕公孺朕雞鳴而起志於求助鯨背之老未敢即安

矧卿體力不衰髮齒猶壯遽有引年之請殊乖圖
舊之心宜安厥官以稱朕意

賜呂公孺上表陳乞致仕不致詔

敕呂公孺卿將相三世凜乎正始之風出入四朝蔚
然難老之狀浩穰之治談咲而成方觀報政之能遽
有歸休之請公議未可卿其少安

撫問鄜延路臣寮口宣

元祐四年正月八日

有敕卿等分寄邊陲輯寧吏士眷言勤勩良極軫
懷往致朕言各宜尚慎

賜光祿大夫守吏部尚書兼侍讀蘇頌上表

乞致仕不許詔

元祐四年正月十三日

敕蘇頌吾聞有志之士以身御道而遺名有道之君使
人樂用而忘老今而不安其位豈吾有愧於古哉夫難
進之士年僅及而輒退則已試之未吾莫得而盡用矣
激揚多士方資崔毛之德講誦舊聞未卒楮馬之業
事非小補卿其少安

賜蘇頌上表陳乞致仕不允詔

敕蘇頌卿歷事四朝允有一德徒論徐公之奢儉莫
見子文之愠喜朕既寤寐折士體貌元臣方貴德齒
之達尊豈求筋力之常禮矧卿方膺難老之錫宜

勸益壯之心惜日有為古人所重引年求去公議未安
勉為朕留以慰人望

賜濟陽郡王曹侑在朝假將百日特與寬假將

理詔天祐四年正月十二日

敕曹侑卿賢戚古二德齒並隆眷言朝請之勤思見
儀刑之老謝病所以久軫念良深推予賜言之恩期於
勿藥之喜宜特與寬假將理

賜西南蕃果世忍等進奉勅書天祐四年正月二十一日

敕莫世忍汝守土遐陬歸誠北闕梯山修貢疑
觀光言念忠勤至於嘉歎

靈景宮宣光殿開啓

神宗皇帝忌辰道場齋戒天祐四年正月二十四日

伏以至德難名已立配天之極孝學求慕盖有終身
之憂惟是佛乘庶資冥福屬弓劍上賓之日就衣
冠出游之庭虔設淨筵俾嚴勝果庶超真覺永
庇含生

賜光祿大夫守吏部尚書兼侍讀蘇頌上第

二表陳乞致仕不允詔天祐四年二月二日

敕蘇頌夫天以多士寧王國而祖宗以成德遺後人
方使壽考康彊以究其用而朕乃以引年而聽其

去可乎矧卿銓綜之精談笑而辨勉思職事以稱朕心

賜蘇頌上第二表陳乞致仕不許詔

救蘇頌天官之任老成所宜坐執銓衡有出公晚年之故事薄言煩雜獨蕭俛一時之偏詞卿其摠攬綱條闊畧苛細委此退食以慰士心

東太一宮翻修殿宇奏告天神太一真君祝文

元祐四年正月七日

於穆祠官有嚴春祀吏以時而按視工揆日以修完庶就絜新永綏靈御仰析昭鑒大庇含生

故尚服劉氏堂祭文六月八日下院

惟靈潔俗禁廷服勤內職逮茲淪謝良用愍傷饋奠之儀哀榮兼至

故尚服劉氏墳所祭文六月八日下院

惟靈服勤有年罹命不淑窀穸之事日月有時念尔永歸歆予一奠

撫問御延路臣寮口宣六月十一日下院

有敕卿等各膺器使祇服邊陲眷茲靖安時乃忠力特加勞問以示顧懷

新除權禮部尚書白梁燾辭免恩命不允詔六月

十一日
下院

敕梁燾卿出處以義進退以禮昔請補外朕不得已而聽其去今茲選用衆以為宜而恨其晚而卿又固辭豈朕所望成命不易其速造朝

賜宣徽南院使克太一宮使馮京乞依職任官

例祇赴六參不允詔

六月十四日下院

敕馮京朕以卿耆老厚德重煩以庶事而卿篤恭盡禮自同於有司既朝朔望尚復勤請雖抑抑自警知卿有衛武之風而僕僕亟拜非朕待子思之意宜遵前命以副眷懷

賜右正議大夫守尚書左僕射呂大防生日詔

六月十五日下院

敕大防股肱之良與國為重家庭之慶亦朕所同適斯干獻夢之辰均既醉太平之福膺子寵錫介爾壽祺

賜右正議大夫守尚書左僕射呂大防生日禮

物口宣

六月二十一日下院

有敕茲穀旦生我元臣爰分服食之良往助閨門之喜為爾壽宜識朕心

賜皇叔徐王顥生日禮物口宣

六月二十一日下院

有敕乃眷賢主實為社稷之衛載臨誕日永集邦家
之休臨遣使車往致眉壽

就驛賜大遼賀坤成節人使銀鑼等口宣六月二十

三
下院日

有敕卿等遠勤使節展慶誕辰長暑者長途方即
安於舍館精金良幣宜往致於恩私

賜翰林學士中大夫兼侍讀趙若若辭免國

史脩撰不允詔六月二十
三日下院

敕若若卿學世其家宜居載筆之地官宿其業已
奏殺青口之書自託不能殊非所望祗膺威命毋復固辭

賜皇弟大寧郡王必生日禮物口宣六月二十
五日下院

有敕桑達示喜復臨載育之辰金幣展親往致友
于之愛膺予寵賚俾爾壽昌

賜五臺山十寺僧正省奇等獎諭敕書六月二
十五日

下院

敕異景靈光久聞示化寶祠淨供爰膺誕彌念此
恭勤至於嘉歎

賜河東節度使太師開府儀同三司太原尹

致仕文彥博溫溪心馬詔七月二
日下院

敕彥博惟我宗臣名震夷落狼心缺舌知獻厥誠朕

以張真拒差之戲不如旅葵昭德之致已敕邊吏各賜所直其馬今以賜御至可領也

班荆館賜大遼賀坤成節國信使副到闕酒果口

宣七月四日

有敕卿等抗旃遠道解鞅近郊念館舍之未安宜驂駢之少憩式頒芝旨以示眷懷

賜馬步軍大尉姚麟已下罷散坤成節道場香

酒果口宣七月四日

有敕卿等誕辰祇慶法會告成嘉與函生同躋壽域往頒芳旨以勞忠勤

賜大遼賀坤成節使副生餼口宣七月七日

有敕卿等抗旌暑路弭節驛亭眷惟行李之勤往致珍鮮之餽膺茲寵數服我眷懷

雄州白溝驛賜大遼賀坤成節人使却回御筵

燕傳宣撫問口宣七月七日

有敕卿等飛蓋西風改轅北道喜山川之漸近忘徒御之久勞往致眷懷少留燕衍

玉津園賜大遼賀坤成節人使射弓例物口宣

七月八日

有敕卿等圭璋致命既已講歡弓矢娛賓亦將觀德

宜有珎華之賜以旌審固之能

賜平海軍節度使駙馬都尉李瑋已下罷散

坤成節道場香酒果口宣七月九日

有敕卿等義重戚藩志同忠報屬誕辰之均慶嘉法會之告成宜示褒優特加寵賚

賜殿前都指揮使以下罷散坤成節道場香酒

果口宣七月九日

有敕誕彌之慶海宇攸同嘉將帥之協恭設入天之妙果宜均寵錫以示褒優

賜皇伯祖高密郡王宗晟已下罷散坤成節

道場香酒果口宣七月九日

有敕眷我宗英志存忠報修等慈之妙供祝難老之昌期嘉此精誠均其慶賜

賜同知樞密院事韓忠彥已下罷散坤成節道

場香酒果口宣七月九日

有敕嘉我樞臣義均一體修茲淨供慶續千齡不有寵頒曷旌忠報

相州賜大遼賀坤成節人使却回御筵口宣七月九日

有敕鄰好既成使華有耀眷邦畿之漸遠念郵傳之

方勤服我恩私少留燕喜

賜大遼國賀坤成節使副時花酒果口宣七月十一日下院

有敕鄰歡既展賓館歸休宜分醖宰之醇復致瓜華之脩少將至意其服茂恩

坤成節尚書省賜宰臣已下御筵酒果口宣七月十一日下院

十一日下院

有敕忠存柱石誠貫人天共欣誕日之臨既畢祗園之會宜頒芳旨以助燕私

皇帝達

太皇太后迴大遼皇帝賀坤成節書

星火西流慶慈闈之誕日皇華北至講鄰國之誠言既達來音俾修報禮感銘之素敷述難周

皇帝迴大遼皇帝問候書

輶車重幣已修交慶之儀天素好音復講久要之信屬臨素節允迪純禧益冀保願式符企詠

坤成節賜同知樞密院事韓忠孝已下尚書省

御筵酒果口宣七月十二日下院

有敕修佛勝因祈天永命既肅成於梵供益表見於忠誠宜有寵頒想同燕喜

賜徐王罷散坤成節道場香酒果口宣七月十二日下院

有敕卿親賢莫二忠孝實兼饌蒲塞於祗園薦椿
齡於崇慶喜成法會日宜有寵頒

賜大遼賀坤成節人使朝辭訖歸驛御筵口宣

七月十二日下院

有敕卿等已聘告歸少休就館即頒燕俎臨遣輔臣
式示異恩以榮回馭

班荆館賜大遼賀坤成節人使回程御筵口宣

七月十二日下院

有敕卿等方事回轅聊茲弭蓋念征途之尚求加利
暑之未衰往錫燕嘉少休徒馭

賜宰相呂大防已下罷散坤成節道場香酒果

口宣吐附誌

有敕卿等竭誠衛上體國均休恪修西竺之儀仰獻
南山之祝宜膺寵錫以示褒優

賜大遼賀坤成節使副內中酒果口宣吐附誌

有敕卿等來陳慶幣克講鄰歡載嘉遠聘之勤宜
示寵綬之意頒茲芳旨服我恩私

賜大遼賀坤成節人使朝辭訖歸驛酒果口宣

七月十二日下院

有敕卿等遠敷使事率禮無違既上詞辭言還

日宜加頒錫益示寵榮

坤成節就驛賜阿里骨進奉人使御筵口宣詰

日下

有敕汝等來修貢篚適逢誕辰宜均慶賜之恩共
樂亨嘉之會任頒燕俎咸極歡心

瀛州賜大遼賀坤成節人使迴程御筵口宣肚

十四日
下院

有敕鞭轡之勞封疆漸邇雖勤歸念少憇暑途服
我恩私式同燕喜

坤成節就驛賜于闐國進奉人使御筵口宣肚

十四日
下院

有敕汝等奉暎遠至授館少留適逢誕辰宜均慶澤
欽承恩渥共樂燕私

班荆館賜大遼賀坤成節人使迴程酒果口宣

七月十七日
下院

有敕卿等奉璋來聘珥節言還眷此暑余少留歸
馭往頒燕俎式示恩私

賜夏國主進奉賀坤成節回詔

敕節紀誕彌慶均臨照眷守邦之雖遠亦執贄以來
同嘉與朝臣咸稱壽宇載惟忠恪固有寵頒

東坡內制集卷第十

樂語附

坤成節集英殿宴教坊詞元祐五年七月

教坊致語

臣聞視履考祥既占衷月之夢對時育物必有繼天
之功方大火之西流屬陰靈之既均帝於是日誕降
仁人意使斯民咸歸壽域共慶千年之遇得生二
聖之朝式宴示慈與民同樂恭惟皇帝陛下文思
天縱睿哲生知力行禹湯之仁常恐一夫之不獲躬
蹈曾閔之孝故得萬國之歡心恭惟太皇太后陛
下道契天人德超載籍知人則哲蓋帝堯之所難修

已安民雖虞舜其猶病風雲從而萬物觀日月照而
四時行自然動植之咸安莫知天地之何力三宮交
慶君后駿奔寶鄰通四牡之歡航海致重譯之贖洞
庭九奏始識咸池之音靈嶽三呼共獻後天之祝臣
等叨居法部輒採民言上瀆宸聰敢陳口號

口號

三朝遺老九門前又見承平大有年文母憂勤初化
俗曾孫仁孝已通天史書元祐三千牘樂奏坤成第
一篇欲採蟠桃歸獻壽蓬萊清淺半桑田

勾合曲

秋風協應生殿閣之微涼廣樂具陳韻金絲而間作
欲觀鳥獸之率舞願聞笙磬之同音上奉宸顏教
坊合曲

勾小兒隊

朱干玉戚本以象功白叟黃童皆知頌聖盍命髡髻
之侶來陳舞勺之儀上侑皇歡教坊小兒入隊

隊名

願同千歲樂長奏太平謠樂隊

問小兒隊

鑄京廣燕方雲集於搢紳沂水游童忽見趨於庭廡

雖云小技必有可觀咫尺 天顏悉言汝志

小兒致語

臣聞功存社稷慶鐘高密之門澤及本枝天胙太任之德候西風之入律藹瑞氣之盈庭嘉與四方同稱萬壽恭惟 皇帝陛下文思稽古濬哲在躬日奉東朝之歡率用家人之禮以謂慈儉之化無德而能名保佑之功如天之難報惟流傳於歌舞庶髣髴其儀刑臣等雖在弱齡久陶孝治敢率垂髫之侶共陳振萬之儀未敢自專伏取 進止

勾雜劇

鸞旗日轉雉扇雲開暫回綴兆之文少進俳諧之技來陳善戲以佐歡聲上樂 天顏雜劇來與

放小兒隊

青衿旅進雖末技而畢陳黃屋天臨知下情之無壅既成文於綴兆爰整袂以徘徊再拜天階相將好去 勾女童隊

彤壺漏箭隨雞唱以漸移絳節綵髯聞鳳簫而自舉宜召散花之侶來陳回雪之姿上奉宸歡兩軍女童入隊

隊名

金風回翠袖 玉瑄倚清歌 樂隊

問女童隊

鳳歌諧律方資燕俎之歡鷺羽分庭忽集壽山之下
低鬟有待振袂欲前密邇天堦悉陳來意

女童致語

妾聞金山啓夏來玉帛於萬邦摯仲興周胙本枝於
百世嘉辰共樂壯觀一新恭惟 皇帝陛下舜孝自
天堯仁浹物膺昊穹之成命席累聖之詒謀惟地勢
坤永載無疆之德以天下養躬持胥樂之觴六樂在
庭百工奏技妾等親逢盛旦獲宣嚴宸藝雖愧於驚
鴻心已先於儀鳳願陳舞綴上奉天顏未敢自專伏
取進止

句雜劇

風清羽蓋日轉槐庭欲資載笑之歡必有應諧之妙
暫回舞綴少進詠辭上悅天顏雜劇來歟

放隊

八音間作既成皦繹之文萬舞畢陳曲盡回翔之態
皇躬闡而却立斂翠袂以言歸再拜天墀相將好去

集英殿秋宴教坊詞

教坊致語

臣聞天無言而四時成，聖有作而萬物覩。清淨自化，雖仰則於帝心，愷悌不回，亦俛同於衆樂。屬此九秋之候，粲然萬寶之成。吾王不游，何以勞農而休老君？子如喜，則必大亨，以養瞽矇。惟皇帝陛下，孝通神明，仁及草木，行堯禹之大道，守成康之小心。華夷來同，天地並應，以謂福莫大於無事。瑞暈加於有年，南極呈祥，候秋分而老人見，西夷慕義，涉流沙而天馬來。嘉與臣工，肅陳燕俎，禮元侯於三夏，詣庶尹於九成。宣示御觴，聳近臣之榮觀，臚傳天語，溢兩無之歡聲。臣等幸覲昌辰，叨塵法部，謬託言於擊壤，助矇聵。

之陳詩也奉威顏敢進口口口

口号

霜雲抃碧瓦，尚生烟日泛彤庭。已集仙韶，藹藹四門多吉士。熙熙萬國，屢豐年。高秋爽氣，明宮殿元祐和聲，入管絃。菊有芳兮蘭有秀，從臣誰和白雲篇。

勾合曲

西風入律，間歌秋報之詩。古雨篇在廷，備舉德音之器。絃匏一倡，鐘鼓畢陳。上奉宸嚴，教坊合曲。

勾小兒隊

皇慈下逮，聲百執以均歡。衆技畢陳，示四方之同樂。

東坡樂府

五

宜進垂髫之侶來脩秉翟之儀上奉威顏教坊小兒
入隊

隊名

登歌依頌磬下管舞成童樂隊

問小兒隊

大君有命肆陳管磬之音童子何知入造工師之末
欲詳來意宜悉奏陳

小兒致語

臣聞天行有信正得秋而萬寶成君德無私日將旦
而平陰伏清風應律廣樂在庭占歲事於金穰望天

顏之玉粹沐浴膏澤詠歌升平恭惟皇帝陛下天
縱聰明日躋聖知無一物之失所得萬國之驩心雖
擊壤之民固何知於帝力而後天之祝亦各抒於下
情臣等幸以紹亂之年得居仁壽之域詠舞雩於沂
水久樂聖時唱銅鞮於漢濱志新曲願陳舞綴少
奉宸歡未敢自專伏候進止

勾雜劇

朱絃玉管屢進清音華翟文竿少停逸綴宜進詠諧
之技少資色笑之歡上悅天顏雜劇來歟
放小兒隊

回翔丹陛已陳就日之誠合散廣庭曲盡流風之妙
歌鐘告闕羽籥言旋再拜天階相將好去

勾女童隊

錦薦雲舒來九成之丹鳳霞衣鱗集隱三靈之靈囿
上奉宸嚴教坊女童八隊

隊名

香雲浮繡宸花浪舞彤庭樂隊

問女童隊

清禁深嚴方摺紳之雲集仙音瓊緩忽鑿珥之星陳
徐步香茵悉陳來意

女童致語

妾聞鈞天廣樂空傳帝所之游闔闔清風理絕庶人
之共夫何僊聖靡隔塵凡仰瞻八采之威自慶千齡
之運恭惟皇帝陛下乾健而粹高明而文規摹
六聖之心人將自化儀刑文母之德天且不違樂
茲大有之年申以示慈之會虞韶既畢夏籥將興
妾等分綴以涓審音而作願俟工歌之闕少同率舞
之歡未敢自尊伏敢進止

勾雜劇

絃匏送奏干羽畢陳洽聞舜樂之和稍進齊諧之

技金絲徐韻雜劇來興

放隊

羽鶴湛湛方陳既醉之詩鼙鼓淵淵復奏言歸之曲
歲驩佇立歛袂却行再拜天階相持好去

興龍節集英殿宴教坊詞元祐二年

教坊致語

臣聞帝武造周已兆興王之迹日符胙漢實開受命
之祥非天私我有邦在聖乃作神主仰止誕彌之慶
集于建丑之正瑞玉依庭爰講比鄰之好虎臣在洋
復通西域之琛式燕示慈與人均福恭惟皇帝陛下

春思冠古潛哲自天煥乎有文日講六經之訓述
而不作思齊累聖之仁夷夏宅心神人協德卜年七
百方過曆以承天有臣三千咸一心而戴后彤庭振
萬玉座傳觴誦干戈載戢之詩作君臣相悅之樂斯
民何辜白首太平臣猥以微生親逢盛旦始慶倚藹
之會頌慶擊壤之音下採民言上陳口號

口號

凜凜重瞳日月新四方驚喜識天人共知若木初分
旦且種蟠桃莫討春請更黑山歸屬國給扶黃髮拜
嚴宸紫皇應在紅雲裏試問清都侍從臣

東坡先生

勾合曲

祝堯之壽既罄於歡謠衆舜之功願觀於備樂羽旄
在列管磬同音上奉宸嚴教坊合曲

勾小兒隊

魚龍奏技異陳詭異之觀齟齬成章各效回旋之妙
嘉其尚幼有此良心仰奉宸慈教坊小兒入隊

隊名

兩階陳羽籥萬國走梯航樂隊

問小兒隊

三師在列各懷白獸之能依子盈庭必有可觀之

未知來意宜悉奏陳

小兒致語

臣聞主民以來未有祖宗之仁厚上帝所眷錫以
聖神之子孫享佑下民篤生我后瞻舜瞳之日月皇
堯顙之山河若帝之初達四聰於無外如川方至頃
萬宇以來同恭惟皇帝陛下齊聖廣淵剛健萬實
識文武之大者體仁孝於自然歌詩思齊見文王之
所以聖誦書無逸法中宗之不取康詆日載臨輿情
共祝神筴授萬年之筭汝書開五福之祥臣等荷遊
天街沐浴皇化欲陳舞蹈之意不知手足之隨未敢

自專伏取 進止

勾雜劇

金奏鏗純既度九韶之曲霓衣合散又陳八佾之儀
舞綴暫停伶優間作再調絲竹雜劇來與

放小兒隊

游童率舞逐物性之熙怡小技畢陳誠天慈之廣大
清歌既闋疊鼓屢安催再拜天階相符好去

勾女童隊

垂髫在列歛袂稍前豈知北里之微敢獻南山之壽
霓旌傘集金奏方諧上平威頌兩軍女若八隊

隊名

君臣千載遇歌舞八方同樂隊

問女童隊

摻過翼作旌夏前臨顧游女之何能造形庭而獻技
欲知來意宜悉奏陳

女童致語

妾聞瑞已來翔共紀生商之光羣龍下集通同浴佛
之辰佳氣充庭和聲載路輦出房而雷動扇交翟以
雲開喜動入天春還草木恭惟 皇帝陛下凝神昭

曠受命穆清三后在天宜與王之世有四人迪哲知
享國之無窮乃眷良辰欲均景福庭設九賓之禮樂
歌四社之章妾等幸覩昌期獲睹文陛雖乏流風之
妙願輸率舞之誠未敢自專伏候 進止

勾雜劇

清淨自化雖莫測於宸心誠笑雜陳示俛同於衆樂
金絲再舉雜劇來歎

放女童隊

分庭久立漸移愛日之陰振袂弄成曲盡回風之能
龍樓却望翬鼓屢催再拜 天階相將好去

紫宸殿正旦教坊詞 元祐四年

教坊致語

臣聞行夏之時正莫加於人統採周之舊王方在於
鐫京惟吉月之布和休庶工而未作使華遠集鄰好
交修萃簪笏於九門來車書於萬里將興嗣歲以樂
太平恭惟 皇帝陛下躬履至仁誕膺眷命法天地
四時之運民日用而不知傳祖宗六聖之心我無為
而自化九德咸事三年有成始御八音之和以臨元
日之會人神相慶夷夏來同匠等忝與賤工得親壯
觀知與情之願頌願盛德之難形不度荒蕪敢進口號

口號

九霄清蹕一聲雷萬物欣榮意已開曉日自隨天仗
出春風不待斗杓回行看芻菜催耕籍共喜椒花映
壽杯欲識太平全盛事師師端鷺滿雲臺

勾合曲

東風應律南籥在庭餞臘迎春方慶三朝之會登歌
下管願聞九奏之和上悅天顏教坊合曲

勾小兒隊

工師奏技咸踴躍以在庭禕孺聞音亦回翔而赴節
方資共樂豈間微情上奉宸歡教坊小兒入隊

隊名

仙山來絳節雲海獻羣鴻樂隊

問小兒隊

六樂充庭九賓在列何彼垂鬢之侶欲陳振袂之能
必有來誠少前敷奏

小兒致語

臣聞正月上日萬彙所以更新羣臣嘉賓四方於是
觀禮雪方占於上瑞風已告於先春及此良辰設為
高會恭惟皇帝陛下子來九有天覆兆民煥乎其
有文章昭然若揭日月安西都護來輸八國之琛南

極老人出效萬年之壽還主璋於鄰使受圖籍於春
朝擊石縱金奏鈞天之廣樂跳九舞索戲平樂之都
場臣等沐浴太平詩歌新歲鼓舞咸韶之韻蹠揚鳥
獸之間未敢自專伏候 進止

勾雜劇

以雅以南既畢陳於衆枝載色載笑期有悅於咸顏
舞緩暫停優詞間作金絲徐韻雜劇來獻

放小兒隊

酒闌金殿既均湛露之恩漏減銅壺曲盡流風之妙
望彤墀即申祝整翠袖以言歸再拜天堦相將好去

興龍節集英殿宴教坊詞

教坊致語

臣聞天所眷命生而神靈惟三代受命之符萃于
茲日實萬世無疆之福延我民候南極之祥輝交
北鄰之瑞節同趨鎮燕爭頌堯封恭惟皇帝陛下稽
古溫文乘乾剛粹體生知一而猶學藏妙用於何言
故得六聖承休三靈眷佑德隆星畧齊六符而泰
階平何行地中錫九疇而聖契倫正屬誕彌之令旦
履長發之嘉祥風設九宮負於廷遍舞六代之樂
日無私於臨照葵藿自傾天有信於發生勾萌必

達臣等歷歷法部獲造心堦下採民言口得三萬里
之謠頌登歌壽筭以八千歲為春秋不度無音敢
進口號

口号

風卷雲舒合兩班瞳瞳瑞一映天顏觀書已獲千秋
鏡積德長為萬歲山臘雪未消三務起壬人不用
五兵閣相逢父老爭相賀却笑華胥是夢間

勾合曲

笙磬同音考中聲於神鼓鳥獸率舞浹和氣於敷
天上奉宸歡教坊合曲

勾小兒隊

衆技茲庭振歡聲於無外游童頌聖陶至化於自
然上奉皇威教坊小兒入隊

隊名

壤歌皆白髮象舞及青荇樂隊

問小兒隊

跳踉廣陌初疑竹馬之遊念散彤堦忽變驚鴻之
狀欲知來意宜悉教陳

小兒致語

臣聞流虹啓聖非人力所致之符湛露均恩與天下共享

其樂旁行海宇外，沛戎夷，咸欣載風之辰，共獻無疆之祝。其
惟皇帝陛下神武不殺，將聖多能，天生德於予，既而崇仰齊
之賢，人樂告以善，輔成經緯之文，法慈儉於東朝，細詩
書於西學，載臨誕日，俛答輿情，非為靡曼之觀，庶備太平
之福。臣等樂生黜亂，學樂父師，就列紛紜，雖無殊於鳥獸，
赴音俛仰，亦少效於消塵。未敢自專，伏候進止。凡雜劇
樂，且有儀方君臣之相悅，張而不弛，豈文武之常行。欲佐
歡聲，宜陳善謔，金縢徐韻，雜劇來歌。放小兒隊，
末技畢陳，下情無壅，既成文於綴兆，猶歛袂以回翔。
再拜天堦，相將好去。

勾女童隊

飛步壽山，起香塵於羅襪，散花御路，泛回雪於錦茵。
上奉宸顏，兩軍女童入隊。

隊名

生商來瑞氣，浴佛降群龍，樂隊

問女童隊

玉座天臨，雖仙凡之有隔，翠髮雲合，豈草木之無知。
密邇天堦，悉陳來意。

女童致語

妾聞千里一曲，變澄瀾於濁河，萬歲三稱，隱歡聲於


靈岳天人並應夷夏來同雖去北里之微敢獻華封
之祝恭惟皇帝陛下睿文冠古神智無方同堯舜之
性仁而能濟眾陋成康之刑措猶待積年共欣建丑
之正再覩興龍之會桑田東海傾壽筭而未乾汗竹
南山書頌聲而無極妾等幸緣賤藝獲望載頌振萬
千庭欲赴干旄之節間歌以雅庶諧笙磬之音未敢
自專伏候 進止

句雜劇

舞綴暫停歌鐘少闕必有應諧之妙以資載笑之歡
上悅天顏雜劇來獻

放女童隊

振袂再成曲盡回風之妙分庭又立漸移愛日之陰
再拜天堦相將好去



樂語終



見
安
符
言

其

下



